



天津圖書館

撫吳公牘卷四十一

順丁禹生侍郎原本

官沈幼丹尙書評選

通州會詳江金球控案會同審擬請示由

愛業林達泉校刊
天津
書

既據稱江黃氏死由發痧屍父黃吉慶輒以江金球夫婦毆逼斃命等情具控該前牧並不親往驗明但憑差查押殮又不確訊懲辦以致蠹棍串索處息復翻纏訟三年之久實為可恨至江金球能呈請押殮其人亦必非良懦可知惟殮圖省儉自無不合黃吉慶攬辦衣棺齋薦一切致墊用洋二百二十餘元之多所稱王昇從旁勸說其為該差從中染指亦不問可知至黃慶吉墊用之款內有陸樹堂等代付洋一

撫吳公牘

卷之望

一

百圓江劉旺身帶洋銀與陸李明爭毆時失落被人拾去各節本難遽信姑念纏訟太久現在既經該牧等訊明江黃氏患病身死並無別故自應准其取具供結完案並將差票弔銷不得蔓引枝牽使成不了之局仍將王昇革役枷號兩月黃吉慶枷號一月滿日杖責發落以示薄懲餘如所議辦理仰按察司轉飭遵照繳

批統領蘇防各營稟查薛游擊等私自將礮出

營請查辦由

來稟所稱薛游擊陳主簿私自將礮出營如此糊塗日久官兵恐有離心等因若照所稟辦理該員等罪應大辟閱之殊堪髮指亟應查明究辦已札飭臬司

立傳薛游擊等訊明礙位實在下落。稟復以憑嚴辦。希卽知照。此復。

臬司詳解部駁通州盜犯王彬等出洋行劫拒傷事主葛堯封等並許福張嘉福受傷後失足落海淹斃船戶蕭太包被逼通線並未上盜分賊一案審擬由

籤按察司知悉。據該司詳解部駁通州盜犯王彬等出洋行劫拒傷事主葛堯封等並許福張嘉福受傷後失足落海淹斃船戶蕭太包被逼通線並未上盜分賊一案審招到院據此經本部院提犯親訊犯供狡猾又與原詳尙有參差顯圖避就查王彬一犯應擬罪名已由部議復准船戶蕭太包勾通洋盜將船

撫吳公牘

卷之四

二

裝客貨送入盜手情罪甚重所稱次早開船冀與丁二郎等船兩不相遇因牛洪港轉赴仙女廟必由姚港口外經過致被攔劫等語該犯如果非有心串通何不將該盜商議情形轉告事主預先防備抑或夤夜駛行或託故折回均無不可何以公然插旗踐約安穩開行經過賊船所必由之路而謂其冀與盜船兩不相遇其誰信之除人犯先行發回外合行簽飭簽到該司卽速遵照提犯復訊確情按議解勘並查取應議職名隨案赴叅此簽仍繳

計發招冊長詳解批三件

充沂
徐海道會稟會勘豐魚河道上游情形由

豐魚二縣水道。目前先就新開東西二河。責令受益居民。分段歲加修濬。俾資容納疏消。實爲簡易良策。其遙堤太行堤以北。分開支河。引水東注。應俟民力充裕。再行察看議辦。仰卽轉飭該二縣諭知該處士民。一體遵守。勿再互相爭訟。切切。仍候
兩江督部堂山東撫院

批示繳

臬司會詳候補知縣孫令績又在府幫同審結

各案轉請給獎由

臬局委員審斷出力。應准給獎。惟向章審結六案。給予拔署一次。審結十二案。給予儘先拔署優缺一次。自係指各該員承審之案。業已詳院題咨而言。今據

撫吳公牘

卷之四

三

詳孫令並另詳蘇丞金令等承審各案。內有解縣犯供翻異。及情節未確。駁飭復審。或現未解院。均不得謂之已結。未便併計給獎。且有一案經三四員承審。亦恐不無浮濫。仰卽轉飭該府另行確核辦理。嗣後須接到正案具題及出咨日期行知。再行併計請獎。並於摺內案由之下。將題咨日期註明。以便稽核。并飭知照。仍錄報督部堂並候批示。繳摺存

嚴飭親勘荒熟禁革賣荒由

爲通飭事。照得甯蘇各屬。向來遇有荒歉蠲緩。書差人等。勒索荒費。方能免徵錢糧。有田雖荒歉。因無報荒使費。而仍徵糧賦者。有田係成熟。因出費報荒。而轉得免徵者。顛倒錯亂。移坵換段。種種弊竇。病民實

甚前經本部院訪聞出示通頒各屬遍貼曉諭嚴行
禁革賣荒買荒規費並飭屬遇有荒歉蠲緩卽細心
勘訪核實查辦務期徵免悉歸實在如書差保甲再
敢私行勒索立提嚴懲等因在案茲查本年霖雨過
多各屬紛紛呈報災歉各牧令中辦公勤奮親自核
實勘報者固不乏人而因循怠玩狃於積習任令舞
弊捏飾以及任聽董保浮開以致正款無着者恐亦
難免合再嚴行通飭札到該司府州廳縣卽便通飭
所屬遵照遇有鄉民呈報災歉務須輕車減從親歷
查勘核實稟辦如有並不秉公親勘核實釐剔致任
書差人等仍蹈從前惡習以熟作荒以荒作熟勒索
荒費高下其手以及任聽董保浮開者一經訪聞定
卽專摺從嚴

撫吳公牘

卷之四十一

四

奏叅决不寬貸仍飭將辦理情形隨時稟復切切

札兩藩司

江淮揚徐海通蘇松常鎮大

十一府州并各廳縣

遵飭凡屬口角涉訟未經具呈出票卽銷之案
毋庸列入冊報一案卽

爲通飭事照得各屬詞訟前經飭據按月造具四柱
清冊呈送查核在案唯查口角喊稟未經具呈未經
出票卽行銷結之案層見疊出其中恐有冒混自應
毋庸列入以歸核實其出票之案應仍全數列入儻
有遺漏一經該民人來轅控告核對月報若不相符
卽不能爲該牧合寬矣除通飭遵照外合行札飭札
到該司府州廳縣卽便移行遵照辦理仍將遵辦緣
由具覆毋違

札臬司

江淮揚徐海通海門七

蘇松常鎮太 五 府州廳縣

撫吳公牘

卷之四

五

[Faded background text and seal]

札飭靖江縣上忙告示未經遍貼

為特札申飭事。照得各屬徵收上下忙錢糧。原議條列科則。刊刻簡明告示。遍貼城鄉。俾家喻戶曉。書差無從高下朦混。各州縣均已遵辦。民皆稱便。若各該州縣刷貼告示。僅於各集鎮人烟稠密之所畧貼數張。恐窮鄉僻壤。未能周遍。鄉民未得盡知。仍受書差之欺朦。是以每逢上下忙徵之時。本部院諄飭各屬。將田地斗則。每畝應完銀米合錢數目。刊刻明晰告示。無論城鄉市鎮。俱須遍貼。大縣以貼滿一千張。小縣以貼滿六百張為度。如有鄉鎮未經遍貼。一經查出。定將該地方官記大過二次。以儆玩泄。節經轉行兩藩司通飭各屬遵辦。在案。茲於九月初五日。據

撫吳公牘

卷之望

六

靖江縣呈送同治八年應完下忙熟田地蘆銀合錢數。示式申票。開具貼示處所。清摺前來。查該縣摺開貼示處所。僅祇一百二十餘處。每處是否祇貼一張。抑有數張一處。未據明晰聲敘。且本部院派人密查。前此該縣上忙告示。鄉間張貼無幾。此等緊要公事。該縣竟敢視為具文。並不實心查察。任聽書差人等日久玩生。珠堪痛恨。應將該令先記大過一次。以觀後效。合特札飭。札到該司。立即遵照註冊。仍嚴加申飭。責令該縣確查本年上下忙期內。刷貼簡明告示。實有若干張。曾否專人下鄉遍貼。有無差保人等。匿不張貼情弊。刻日據實稟復察辦。一面由司密查。此次如再不張貼周遍。卽行詳請從嚴叅辦。儻有書差

人等從中阻撓。不令花戶自封投納。意圖包完需索。或有欺朦鄉民情事。亦卽從重懲辦。此札。

札蘇藩司

以觀後効。除札蘇藩司遵照註冊。云亦卽從嚴懲辦外。相應咨明。爲此合咨貴部堂請煩查照施行。

咨督院

批臬司會詳崇明縣申送詞訟環簿遲延請將

該令記過由

查崇明令於八月二十五日申送詞訟環簿。尙係三月分詞訟案件。辦理實屬遲延。應如詳將該令記過二次。以儆其餘。已咨明督部堂查照矣。仰卽註冊通飭遵照。仍候督部堂批示。繳。

撫吳公牘

卷之四

七

批海州詳贛榆三個月詞訟核計訊結記功由查贛榆縣四五六三個月詞訟案。統共一百四十四起。訊結共計七十八起。核計係在五成以上。應照章將該署縣記功一次。以示獎勵。已行司註冊通飭知照。並咨明督部堂查照矣。仰飭遵照。繳。

金壇縣稟徒陽欠解考費無從撥解請酌撥釐

捐濟用由

釐捐專濟軍餉要需。現議抽撥善後用款。尙屬煞費經營。豈能爲該屬辦差。擅行借動。所請未便准行。仰蘇藩司飭仍於府庫洲租項下酌量借撥。餘卽催提徒陽二縣欠款。或由該四縣各先攤繳濟用。至請歸四縣輪辦一層。並催鎮江府刻速察酌議定飭遵。均

毋延誤切切此繳

臬司稟提省審辦各案人證擬請訊明後由司
府先行省釋請示由

據稟提省審辦各案人證請訊明後由司府先行省
釋緣由凡案證之拖累全由審辦遲延所致總須該
局速審速轉庶免無辜拖累嗣後京控省控暨命盜
等案人證果於案情無涉並無罪名可科者審結後
自應將情節詳細稟明候示再行分別開釋至笞杖
之罪不如在省了結當堂開發若遞縣取保長途跋
涉曠日遲久縣中差役又多所需索在縣之拖累與
在省之拖累何以異乎仰卽轉飭遵照辦理繳

蘇司會詳候補直隸州知州等委署震澤縣知

撫吳公牘

卷之十一

八

縣等缺由

如詳分別飭委取各任卸日期報查至正任無錫縣
博令先經

奏明留省察看與從前委署奉賢之揚令未赴本任者
有間且上年准補金山縣汪令調署川沙同知據司
詳請督部堂附

奏在案此次傅令另委署缺似應照例辦理應否聲明
無錫縣係有驛衝途疲難缺分較別項簡缺難治現
令署理荆溪縣篆藉資練習附片具

奏之處並卽由司覆核妥議另行詳辦仍報明督部堂
查考並候批示繳

江陰縣稟清查廟產撥作義塾經費請通飭查

辦又單稟僧一清等聚眾圖控由

以廟產提充義學經費。果能董理得人。滴滴歸公。是化無用爲有用。於地方原有裨益。惟此項田畝。本爲人所覬覦。一經撥作公產。侵吞隱占各弊。往往相緣而生。從前各處善堂田產。此時盡歸烏有。其明徵也。現議撥產充公。設或以倡義始。而以漁利終。飽董事之橐。與飽淄流之橐。更何以異。此事全恃地方官紳實心辦理。毋祇塗飾耳目。方有成效。若欲敷衍塞責。則多一事。不如省一事也。另單所稟僧一清併訟棍夏翼南等。糾眾斂費。意在阻撓等情。仰常州府查明虛實。親提嚴辦。併將該縣與辦義塾。及提撥廟產充費。是否悉臻妥善。確查稟覆。仍候督部堂批示。繳稟撫臬公牘。

卷之四十一

九

鈔發傳單存

加函

此事務祈密商該令。自審力量。能堅持到底。則辦否則徒滋騷擾。鄙人並非不欲成人之美。無如非常之原。黎民所懼。一則緇流產業。覬覦者多。一則得罪神佛。阻撓者眾。故必須該令自揣。有狄梁公韓文公湯文正公本領。方可舉辦此事。倘其有始無終。反致變本加厲。鄙人禁朝山汰僧尼業。已謗書盈篋。誠恐該令未必能如鄙人之肯任怨也。倘真肯任怨。不致聞謗中輟。自當以全力助之。祈函商卽覆爲荷。

蘇州府詳各州縣承緝盜案酌定勸懲功過章

程遵批議覆由

據詳已悉。承緝官於失事日起。期限嚴拏。如一月內獲犯及半。兼獲盜首。記功一次。贓盜首夥全獲者。記大功一次。失事一月。並未破獲。記過一次。兩月無獲。記過二次。三月無獲。記大過二次。以上所議。均尚可行。至記過積至八次。大過積至四次。撤任留緝。應改照定章。記過積至六次。記大過積至三次。卽行撤任。以歸畫一。至一月內連失兩案。應卽摘去頂戴。勒限兩月破獲。逾限無獲。撤任留緝。一月內連失三案。卽撤任留緝。據擬半月內連失兩案。或一月內連失三案。摘頂勒緝。兩月無獲。撤任留緝之處。應分別更正。其餘所擬。是否妥洽。仰按察司一併確核。議詳復奪。仍候督部堂批示。繳。

撫吳公牘

卷之五

十

鎮江府詳溧陽張巧生懷疑姪姦殺斃三命自刎身死應否剉屍請示由

律載殺一家非死罪三人。陵遲處死。財產斷付死者之家。例載殺一家非死罪三人。爲首監故者。仍剉碎死屍。梟首示眾。各等語。此案凶犯張巧生。據請照殺一家三命科斷。雖已畏罪自刎身死。仍應剉屍梟首。未便免議。至據稱向辦斷給財產之案。如實係盡絕。應由印官出結一節。旣因例無明文。舍例言案。又無向辦成案可援。且犯族張大運等。供內僅稱張巧生。賃盧姓房屋居住。其是否赤貧。有無財產。並未供明。應卽飭縣訊取地鄰族親人等。切實供結。詳復核奪。仰按察司轉飭遵照。仍飭詳候督部堂批示。繳。

崇明縣詳奉飭籌辦積穀查有舊穀請緩辦由上年通飭籌辦積穀各府州廳縣無不遵辦該令才力支絀所以事事窒礙殊不知積穀以防儉歲取之於民仍須散之於民與別項捐輸不同乃該縣因循至今據董事稟請緩辦遽卽一諱了事實屬玩視要務所稱常平儲崇等倉尚有存倉舊穀三千餘石究竟是否足額有無短缺霉變設遇災歉能否抵作賑需其社倉穀價於道光年間存縣報入清查未補銀三千八百餘兩究係何任虧挪曾否議明籌補仰蘇藩司委派妥員確查議詳察辦總之他事可緩積穀係爲未雨綢繆起見斷不能緩如該令自揣無辦理積穀之才卽請推賢讓能可也切切此繳

撫吳公牘

卷之五十一

十一

札催京控速審並核議章程

爲專札嚴催事照得京控各案前因未據依限審結節次札催分別訊詳催提仍查明遲延各員職名彙案詳參復因積壓多起應如何趕緊清理分別照章參懲經本部院面諭

蘇州

府查明妥議詳辦未復於

六月十二及七月初七等日札催議詳各在案茲於七月十五日據

蘇州

府呈稱除遵札分別辦理並核

議另詳外合先申覆等情前來查京控新舊各案積至十四起之後復有准咨三起共有十七起之多舊案未能逐一訊結新案又復接踵而至經兩次札催議詳乃該府仍以空文率覆合再專札嚴催札到該府卽飭府遵照迅將如何清理之處剋日查明妥

議章程。詳候察辦。一面將人證已到者速卽迅詳。未到者嚴行催提。仍查明遲延各員職名彙案具詳。其京控新案亦卽訊供飭提人卷解審。均毋再延。切速。

札
蘇州府

加標

積壓京控各案。屢經本部院向該守及發審委員等面催札催。至再至三。而諸公熟視無覩。葵藿傾向而太陽不爲之回光。此皆由本部院誠不足以感人。言不足以取信。故至如此。反躬自問。愧歎萬分。該司新政風行。務望轉爲諮詢。如再以水沃石。本部院表率無方。惟有自請議處。披髮入山而已。

撫吳公牘

卷之四十一

十一

臬司詳泰州閩天濟稟求省釋由

既據稱案已訊明具結。閩天濟李益廣患病沈重。應准先行保釋。以省拖累。如有必應傳訊之處。另飭看交質審。仰卽遵照辦理具復。繳鈔黏供單存。

高涇縣詳六月分詞訟監押公文各冊由

市廛有無行用小錢。全在地方官認真查禁。若濫行出票。以致差人藉端勒索。是整頓錢法。而適以擾害閭閻也。汪期洛稟控差役孔順等藉查小錢索費不遂。兇毀物件等情一案。經該縣訊明。將差役孔順等各予責懲。仍發廣通司分別革役。是孔順等想係該巡檢衙門之差矣。該縣僅予責革。尙涉寬縱。至罰令汪期洛出洋十六元。交徽董領爲善舉經費。此事弊

端尤大。殊非正辦。仰江藩司查照批示。將以上各情嚴加申飭。並令該縣此後切不可於控案輕率議罰。致啟弊竇。至趙良桃一案。既須移提。施南榮到日。集訊另行究辦。似未便歸入開除。下月仍應列入舊管。再內監項下人犯姓名。均係接連直寫。與冊式不符。並飭遵照辦理。繳冊存。

加函

州縣於控案輒議罰款。流弊極多。名爲充公。而適以濟私。卽使本官毫無染指。而門閭書差之需索。充公款者十六元。入私囊者已不止百六元矣。前經做處屢次通飭嚴禁。何以此種惡習仍未盡除。此次該令復藉口金作贖刑之義。尤堪詫異。殊不知聖人教人道之以德。齊之以禮。何不師法一二。而偏欲效介甫之師法。周官乎。遁辭知其所窮。真可痛恨。務祈尊處再爲嚴飭各屬。勿得效尤。蘇屬藉案罰捐之風較少。然第幾經大聲疾呼。亦復舌敝唇焦矣。

飭錄同治四年起續奉新例送刊

爲札飭事。照得律例一書。爲從政之津梁。至我

朝而大備。疊奉纂輯。頒行直省。所以期讀書者咸知讀律也。乃近來筮仕人員。往往以卷帙繁多。束之高閣。以致臨民判事。茫無頭緒。實屬貽誤匪淺。查有丹徒蔡比部所編律例便覽。及處分則例圖要。依類編訂。共止六冊。書既便於觀覽。義亦易於貫通。唯省城書肆並無此書出售。板閱五年。印本亦多漫漶。現經本部

撫吳公牘

卷之十

三

院諭飭書局委員照繕另刊附於牧令等書之後。查閱是書。上格所採例案各條。截至同治三年爲止。今既重付棗梨。自應將續奉新例。按門增入。以備援引。合行札飭。札到該司。立即遵照。自同治四年正月。起至本年六月底止。所有欽奉。

諭旨

及部院各衙門奏准通行之案。飭承逐件檢鈔。註明准咨日期。裝釘成本。限一月內呈由該司核明。蓋印送院。以便編訂發刻。字跡祇須端楷。校對務期認真。毋得舛錯遺漏。是爲至要。切切。此札。

札蘇藩司

札飭嚴禁結會燒香一案由

爲札飭嚴禁事。照得結會燒香。攸干例禁。乃東南風

撫吳公牘

卷之四十一

四

俗崇信鬼神。每屆春秋報賽之期。或名平安醮。或名打七佛。始不過一鄉一鎮之間。作此非禮非義之事。漸至設法愈幻。託名愈奇。襲前神之封號。官衙置五色之旗。燈傘扇。名爲朝山。醮賣絲糶谷之金錢。變累萬盈千之紙錠。名爲解餉。雇大號船集數十人。往來於湖州之道場白鶴。杭州之天竺。小和。蘇省之穹窿。七子茅山等處。原彼初心。祇歛資以肥己。極其流弊。卽盜賊之厲階。方今緝捕綦嚴。該匪徒不敢明目張膽。見前項香船。卡不爲詰。民不爲疑。因而宵小生心。扮作香船。溷入城鎮。勢所不免。近日拏獲震澤劫案盜匪。據供皆藉朝山爲名。肆其行劫。是前項朝山之入。雖未必身爲盜賊。卽盜賊亦不盡託名朝山而矯。

誣橫起於鄉愚。防範宜同於奸宄。若不重申厲禁。何以革巫風而清盜源。合行札飭。札到該司。立即通飭各屬。一體認真嚴禁。毋僅以出示了事。如頑民抗不遵照。卽當照例嚴辦。以爲懲一儆百之計。切勿姑息養奸。以寬大博流俗之虛譽也。

札臬司

加函

結會燒香。以蘇松一帶爲最盛。如果家給人足。盜息民安。則閭閻情殷報賽。原無妨稍順輿情。乃兵燹以來。百姓衣食有餘者百不及一。而又有游勇之藉端滋事。盜賊之乘機劫竊。卽使民間無隙可乘。尙恐變生意外。況又迎神賽會。聚眾燒香。游手之徒。因而麇集。盜案安得不日多。民生安得不日感乎。卽祈函懇各屬。於出示官樣文章之外。另邀公正紳耆。諭以物力宜惜。盜賊宜防。令其家喻戶曉。不可仍沿陋習。或者此風漸可革除。第爲閭閻除害計。非爲兩廡特豚計。想公必能鑒其苦心也。

撫吳公牘

卷之十一

五

丹陽縣詳六月詞訟監押公文册由

查自理項下。有儒學沈移送唐文高控案一起。教官干預詞訟。已屬不應。且冊開先准該學移據唐文高稟。唐國輔因索欠詈罵。請提懲辦。並追贖禮。旋准知照。唐國輔已將贖禮措交。似可免究。是該學之移請提究。係爲贖禮起見。較之干預詞訟。尤屬可惡。應將該教諭記大過一次。以示薄懲。該縣馮令雖先未准

理。繼因移催飭傳。究有不合。亦應記過一次。除咨督學
院。堂查照外。仰蘇藩司註冊。移會江藩司一體通飭
各屬知照。至冊敘審斷緣由。如朱鳳二控嚴桂芳一
案。將朱鳳二鎖繫石礮。辦理頗有斷制。惟上控項下
楊明廣等一案。冊註示期催集勘訊。究竟定期何時。
未據聲敘。下月冊內。務當查明開報。至接到公文冊
內。未將上月有無已復未辦已辦未復之案。查明登
註。亦欠合式。下月卽應聲明。並飭遵照繳冊存。

崇明縣稟五月分月報遲延緣由

該令始而赴滬。繼而晉省。僕僕道途。專怕上司見怪。
不顧窮簷。部屋之中。有無數老少呼號待批。示而無
期。候訊結而不得者。古云官怠於宦成。該令之謂也。
撫吳公牘

卷之四十一

六

姑從寬將該令再記大過一次。以儆將來。仍勒限於
八月內。務將積牘一律清理。以速補遲。除通飭江蘇
兩屬各府州廳轉飭遵照。並咨督部堂查照外。仰蘇
藩司註冊。轉飭該縣遵照辦理。勿再玩延。切切。繳。

撫吳公牘卷之四十二

南匯縣稟川沙等處所欠廟捐請提解濟工由
此案昨據川沙廳具詳。即經批司查明各原案。核議
詳復。飭遵在案。茲查該縣學稟。敘川沙紳士。以廟捐
均已照輸。皆由川董孟念曾等。串通漕總周浩然。借
端侵漁等情。該廳以爲撥用無存。究竟撥歸何用。其
中顯有不實不盡。仰蘇藩司轉飭川沙廳。即將孟念
曾周浩然等。提省確訊。查明究保何人侵沒。悉數清
出。解濟工用。惟扣考一層。似屬難行。並卽由司查明
原案。迅速核議詳辦。一面移飭營場各將欠解南匯
廟工捐款。一律清出。批解濟用。均毋推諉延誤。切切。
仍候學院批示。繳。

撫吳公牘卷之四十二

南匯縣詳七月分詞訟各案四柱清冊由

查上月詞訟月報各冊。自應於下月初十前到院。所
有七月分江北詞訟清冊。均已到齊。該縣近在江南。
何以遲至八月二十日始行送到。應記大過一次。以
示薄懲。已行蘇藩司註冊。通飭知照。并咨督院查照
矣。仰按察司嚴飭遵照。此後務須趕緊造送查核。如
再遲延。定干叅撤。仍將未結各案。迅速催提訊結。並
候督部堂批示。繳。冊摺存。

常鎮道詳通州訊結詞訟成數三個月核計由
如詳將通州牧記大過一次。以示薄懲。已札行江藩
司註冊。通飭知照。並咨明督部堂查照矣。仰卽遵照
繳摺存。

宿遷合催提案件遲延由府記過轉飭一案由
爲札飭事九月初十日據徐州府朱守申稱本年二
月間奉學憲批府親提宿遷縣童生孫翰卿稟控廩
生朱玉堂因借貸未遂串同學書陳瑞廷措結詭詐
等情一案節經札飭該縣提解人證時逾半載迄無
一名解訊屢次嚴催該縣延不提解亦無隻字稟復
實屬玩違應將宿遷縣記過一次除詳請藩司註冊
外申報到本部院據此查該令向來於催提之案全
不認真而又盜案疊疊辦事實屬怠玩合行札飭札
到該司即便轉飭該令遵照此後務當實力任事如
再不知振作定即叅撤切切

札臬司

撫吳公牘

卷之四二

二

松滬捐釐總局詳五月分各局捐款月報收支

各冊摺由

據送五月分收支解存月報各冊摺存核查閱行釐
卡近來收數甚爲短絀該卡員役司事有無弊竇該
總局務卽澈底嚴查五庫泖港釐卡所支薪水經費
已在二成之外未免浮多東溝界浜釐卡所支薪水
經費核計捐數已在四成以外更屬虛糜此二卡宜
由總局核減至上海貨捐局大小委員共有十四人
似覺太多該總局各委員亦屬過多均可裁汰所有
南卡稽查絲船各貨兼辦油荳餅可以酌量歸併總
之現值收款支絀之際自應量入爲出委員可裁者
裁卡局應併者併卽由總局逐一釐剔核實整頓俾

裕餉源仰卽遵照分別辦理詳覆察奪仍候督部堂
批示繳

撫吳公牘

卷之四三

三



欽定四庫全書

淮揚道詳清桃界溝勘估興挑請彙案會奏由清桃界溝淤墊致夏家湖腴田連年遭水淹漫將成廢棄自應將界溝開挑通暢俾水有容納地免荒廢既經該道督飭印委覆加勘估應卽由清桃墟民照業食佃之例集夫興挑並借給津貼土方工費俾速蕆事仰江藩司於籌借清安二縣挑河經費內設法添籌協濟并案詳

奏並移行淮揚道府督飭清桃二縣將所借經費應如何分派籌還勻作幾年攤繳歸款刻日妥議詳奪毋遲仍候督部堂批示繳圖冊存

淮揚道詳覆勘清安河道請照原估籌款興挑

由

撫吳公牘

卷之四二

四

查清安二縣挑河經費前據該司具詳運庫不能分籌藩庫亦難全撥等情雖係實在情形惟疏通水利民間利賴攸關當此冬令農隙之際若不乘時挑辦通暢來年春水漲發又難措手現在司庫究能籌撥若干不敷之款能否移商釐局借撥濟用攤徵借款究應定期幾年卽經批令會商釐局通盤籌畫妥議詳奪在案據詳前情仰江藩司查照前批會商釐局通盤籌酌刻日議詳察辦毋遲並移章道知照繳加函致章道

高淳縣稟奉刊嚴禁蘆洲丈費告示照揭碑摹
呈送查核由

據稟已悉。本部院通飭泐石嚴禁蘆洲丈費。限於十
一月內揭摹呈送。今於十月十七日。據高淳縣並泰
興縣提前送到。均屬辦事急公。惟查原頒示式內。敘
冊則報讞。今核對高淳縣碑摹內刊冊則報費。大屬
錯誤。且鐫刻字跡亦不清楚。此等泐石要件。該縣如
此疎忽。本于重咎。姑念辦理迅速。從寬免議。合將碑
摹發還。仰江藩司飛飭該縣復加核正。刊刻清楚。另
行揭摹。暨立具復一題。由司移會蘇藩司一體通飭。
知照。務各細心摹刊。依限揭送。勿稍錯誤。切切。繳
加函。

撫吳公牘

卷之學二

五

此等緊要事件。該令何以不親自過眼。況題目原爲
嚴禁丈費而設。而該令筆誤。即在費字。豈非平日只
有一費字。橫梗胸中。耶。見卵而求時夜。見彈而求鴉
炙心之所注。形卽彰之。雖僅過門大嚼。想亦嗚然。意
滿。須知兵燹之餘。百姓困窮已甚。此時卽以全副精
神爲之櫛垢爬痒。尙恐蚩蚩者不能自存。該官吏等
猶視爲豐亨豫泰之時。可以任憑敲脂吸髓。耶。古云
有機事者必有機心。我輩注意除費。而該令偏注意
費字。思之憤懣。務祈轉致。該令將費字心腸。滌蕩淨
盡。庶不致誠於中。形於外。沙洲百姓。或有喘息稍定
之日也。

直隸督院咨機器局詳六年四月至七年九月

製造輪船用過洋稅

為咨復事。同治八年十月十七日。准直隸爵閣督部

堂曾咨云。敕等因。到本部院。准此。查機器局製造輪

船。向無主政專辦衙門。所有該局詳稟請示之件。亦

未指定由何衙門主政批示。是以各衙門所批。均不

過彼此相仰候而已。惟該局創建於同治三四年間。

論創議應歸督兩中堂主政。論洋務應歸督部堂

衙門主政。論關稅亦可歸巡撫衙門主政。將來輪船

成造愈多。事愈繁重。以後恐非各衙門所能兼顧。應

否仿照福建情形。奏請專派大員辦理船政。抑即奏

派該廠委員督辦船政。自行報銷。或仍由各衙門兼

理之處。除咨復直隸爵閣督部堂暨咨湖廣爵閣督

除札機器製造局會同關道核議詳奪外。相

撫吳公牘

卷之四二

六

部堂查照核示外。合行札飭。札到該局。立即會同關

應咨商。為此合咨貴爵閣。部堂請頒查照。酌核示復

道核明。妥議詳復。察奪其情。吉輪船實在用銀若干。

亦即詳晰查復。毋違。

札機器製造局

咨督院 湖廣直隸 督院

丹陽縣詳王甘霖被劫勘訊由

案關城內被劫多賊拒傷店夥該管地方文武事前
既不認真巡防迨失事一月有餘杳無一犯報獲捕
務廢弛已極應如何嚴行懲儆仰按察司於五日內
查議詳奪仍勒限半月內比差會營懸賞購緝並移
鄰封營縣一體查拏賊盜悉獲究報限滿無獲卽由
司嚴揭請叅勿稍姑容至該司前詳各州縣承緝盜
案酌定功過章程經本部院批准照辦並飭由司隨
時確核指明何州廳縣應記功過詳請咨行註冊飭
遵以昭核實在案自定章以後各州縣詳報失事之
案共有幾起務卽逐一查核分別照章詳辦再前據
徐海道稟徐海兩屬與江南情形不同酌改勸懲功

撫吳公牘

卷之四十二

八

過章程亦經批司速議具覆并卽遵照前批辦理切
切仍候督部堂批示繳冊圖存

飭屬刊碑禁絕丈費

爲札飭遵辦事照得江蘇省沿江沿海蘆洲田地前
經會

奏變通丈期嚴禁丈費奉部復准轉行遵辦應卽出示

泐石永遠遵守以絕弊端現在本部院酌擬示式除

鈔行

蘇江兩藩司

江蘇十二府州廳轉飭有蘆州縣遵辦外合亟

鈔示札飭札到該某立卽轉行有蘆各屬遵照鈔來

示式刊刻高大石碑務須字跡清朗豎立城隍廟前
俾得閭閻周知永遠遵行仍飭將遵辦緣由具復並
限十一月內揭取碑摹呈送查核毋稍草率遲悞再

本部院衙門蘆洲全卷陷失。有蘆州縣無從查考。徐州府所屬有無腹裡沿湖灘地完納蘆課。應造大丈冊結。及應行泐石之處。務卽查明辦理。一併附覆。切切。

計鈔示

札江蘇兩藩司。蘇城善後局。十二府州廳並沿江有沙州縣溧水縣

高淳縣江浦縣六合縣震澤縣

元江縣吳縣吳江縣新陽縣

常熟縣昭文縣崑山縣金山縣

華亭縣雙縣奉賢縣武進縣

上海縣南匯縣青浦縣江陰縣

丹陽縣無錫縣金匱縣丹徒縣

宜興縣無錫縣金匱縣丹徒縣

安東縣江都縣儀徵縣泰興縣

寶山縣崇明縣如皋縣

撫吳公牘

卷之四十二

常州府詳六月分詞語監押公文冊摺由

孫秀昌控王寶書一案。既經該府行提原被訊明。尙有要證鄭楨緯。必須補提質審。仰卽勒限嚴提。毋任免脫。至新收監犯沈停淮一名。除在項下皆未列入。如何遺漏。並卽查明具復。仍一面將未結各案。趕緊催提訊結。繳冊摺存。

酌留淮軍一成洋稅抵作機器製造局用款咨

商一案

爲咨請事。同治八年七月十八日。據委辦江南機器製造局稟稱。竊准江海關移奉通商大臣馬札。准戶部咨會奏。江海關徵收洋稅。應行解部之四成銀兩。仍留一成。以爲製造輪船之用。其餘三成。按結解部。

交納等因。並蒙院台札同前由。各到關移局。奉此。伏查此案。戶部議駁之故。或以爲所請二成洋稅。專爲造船而用。致未允行。殊不知製造機器槍砲等件。所需經費。前奉李爵憲奏明。於軍需項下融撥。有案。嗣因軍需無款可撥。故併入造船用項開支。此爲歲支最鉅之款。至議建厰屋學館船塢工程。上年雖經督爵中堂將學館船塢兩事。隨摺奏明。而工程費用。係在何項撥發。當時未及籌定。此爲目前難緩之款。又工程既竣之後。歲支辛工膏火各費。此爲將來因事遞增之款。以上各項。均係造船行船之外。增添用款。且卽就造船行船而論。此時逐漸推廣。所費亦必日有加增。若非通盤籌畫。恐致辦理棘手。惟有仍請會撫吳公牘

卷之三

核復奏。將督爵中堂奏留酌濟淮軍及添兵等事。一成洋稅。抵作機器局之用。俾得經費充裕。是否有當。仰祈訓示。祇遵。並聲明。選稟貴大臣等情。到院。據此。本部院查核該局所稟。係屬實在情形。將來如須再圖擴充。卽二成洋稅。儘數充撥。尙恐不足。集事除批示外。相應咨請。爲此合咨貴大臣。希卽查照。主政。摺銜會

奏施行

咨通商大臣

札飭京控提解遲延申明定章

爲札飭事。案查前准吏部咨。嗣後京控之案。關提入證。除去程途例限。尙未解到。卽將該地方官先行奏

參。按其逾限月日議處。遲延不及一月者。罰俸一年。一月以上。降一級調用。半年以上。降三級調用。俱公罪。如有正犯潛逃。要證外出。仍遵定例確切查明。取具族鄰甘結。加具印結。詳報上司備案。仍一面查明該犯等現在何處。關提歸案審辦。總不得逾半年之限。倘有捏報正犯潛逃。要證外出者。即照不應重私罪例議。以降三級調用。毋庸查級。紀議抵等語。近來京控人證。各屬往往未能依期解到。實屬玩延。合行札飭。札到該司。立即申明定章。通飭各屬遵照。如有奉文提解京控人證。務須依限解省。質審。倘有除去程途例限。尚未解到。即行據實詳請奏參。仍令將奉文提解日期。通報查考。毋違。

撫吳公牘

卷之四十一

十一

札臬司

札催沐陽程張氏京控 奏交速審
為專札查催事。照得定例奉

特旨交審之案。定限兩箇月完結。例限綦嚴。溯查同治四年六月初四日。准都察院咨

奏交沐陽縣民婦程張氏。遣抱京控。謝明等。挾嫌焚殺。一家六命。改供朦諱一案。係奉

特旨交審之案。計今已及四年之久。蘇州府有無訊詳。應即由司速提審擬解勘。合亟專札查催。札到該司。立即遵照查明。速提審擬解勘。毋遲。速速。

札臬司

催議清理京控各案。並查委員幫審到案日期。

爲札飭事。照得前因京控各案。積壓多起。應卽趕緊設法清理。經本部院面諭蘇州府妥議章程詳辦。並迭次札催在案。迄今未據議復。殊屬遲延。至該府審案事繁。經設局派員幫審。乃以京控要案。積久懸宕。未能依期完結。均難辭咎。應如何分別嚴行懲儆。合行札飭。札到該司。卽遵照查明各該員到差月日。剋日議詳覆奪毋遲。

札臬司

南匯縣

南匯縣申送六月分宣講清摺由。摺報閱悉。仰仍移學親督講生認真奉行。按月開報。至南匯縣有明門方孝孺祠祀生。載在學政全書。彰彰可考。該學現擬設伍惠南書院。春秋編祭。復設祀。

撫吳公牘

卷之三

七

生。具見追崇往哲。矜式後人。自可照辦。惟祠宇舊建何處。應需祭品銀兩。向來是否由縣編徵。例設奉祀生。在前接充。至何代止。於何年以後。懸缺未充。現在有無嫡派裔孫在南。均應溯查明確。方可咨部辦理。並卽移學一體詳細訪查。專案詳辦。至迎神賽會。演戲聚賭。已經本部院刊發告示。通行諭禁。在案。該縣地方仍有藉酬神爲名。斂錢演戲。經旬累月。結黨朝山。耗財廢業。大爲風俗人心之害。應卽由縣隨時認真查禁。儻再違犯。立拏爲首之人。從重懲辦。以儆其餘。仍將遵辦情形查報。切切。此批。

前徐河後幫千總蘇文魁稟裁丁欠款請飭鈔

產監追由

該革弁連次率用紅白稟逕瀆本部院衙門詞多費解殊屬越分妄爲仰江糧道嚴行訓飭並將借用鈐記之江比幫左所千總查明姓名詳請記過示懲儻該革弁再不安分守常卽行按例詳辦毋稍姑寬仍由道將該幫丁欠繳兵米領用錢糧各情查案核明辦理具覆並候漕部堂批示繳

蘇糧道申覆奉提減漕輕賚會司催提屬欠漕

項湊解由

此項同治四年起屬欠四分漕項係應抵解現奉部提減漕輕賚及原抵加給沙船修費等要款之用各屬積慣拖欠任催不解必應酌立限期明定勸懲章程勒令各現任先行清出批解卽有前後任互相轉

撫吳公牘

卷之三

三

轉應令自行清理不准推諉延誤儻至逾限不完卽照章嚴辦俾各屬知所做畏源源報解不得徒以己經飭催一復了事仰卽會同藩司嚴定期限酌立勸懲章程刻日詳明飭遵毋遲此批

行臬司催桃源韓得勝等一案核詳

爲札催事案據該司詳桃源縣壯捕戎標等挾嫌捉拏王得勝韓得勝私刑逼認爲盜訊擬緣由到院當查此案如果縣役戎標將韓得勝交王得勝變賣之驟馬銀兩強行帶回被韓得勝鞭打勒賠挾嫌逼令王得勝韓得勝供認行劫是旣取其財復逼令認盜似較尋常誣良爲盜之案情節尤重據稱戎標搶奪驟馬銀兩後經賠還仍照例擬軍是否不致輕縱應

否酌量從重辦理之處。即經批飭確核詳奪。嗣據吳縣詳報。從犯徐貫提禁病故。又經批司核入正案。擬詳各在案。迄今月餘。未據核詳。合行札催。札到該司。遵照先今批檄。即速確核詳奪。毋違。

札泉司

江都縣詳據職員黃逸雲稟。仿金陵典章在揚城試開原章。變擬二條。可否准行。請示由蘇省各典。均有月捐。所議通變章程內。請免繳捐一層。未便准行。現在揚城育嬰堂經費短絀。應令順和典。每月捐錢三十千文。津貼育嬰堂之用。仰江藩司核明轉飭遵照。並飭取具各結。詳司給帖陞稅。仍候督部堂批示。繳摺存。

撫吳公牘

卷之四十一

十四

金匱縣稟查李容照控案。並開該圖積欠漕銀

摺由

該圖公事。究應歸何人承辦。來稟所敘圖董。忽李忽錢。忽押忽釋。該令本已毫無定見。且訪聞該縣鄉間。仍不免有差役董保需索津貼之舉。仰常州府即飭該令遵照。此後務當實力整頓。將一切浮費。認真革除。毋任稍滋弊混。並俟該圖地保舉充定案後。具復察奪。切切。繳摺存。

鎮江府稟鎮郡善堂請俟考試後清查由

各處善堂。凡田產之無着者。董事無不推諉。其生息稍厚者。又無不謀充經營。藉爲肥己之資。此積弊然也。而鎮江爲尤甚。非認真整頓。斷不足以挽回積習。

該府既確知此中弊竇。務須徹底根查。固不可畏難而蹈因循。亦不必急遽而驟苟且。破除情面。核實經營。就殺誰嗣之歌。均毋庸預計也。所請俟考試旋署後。再行逐一清查。應准如稟辦理。仰卽遵照。繳。

札飭臬司將押發之葉金生等。飭府提審由

爲札飭事。七月二十日。據元和縣申奉院押發喊稟之葉金生交歇收管。已逾一月。未奉明示。申請示遵等情。到院據此。查該民人葉金生前據來轅呈控。當經押發元和縣暫行收管。批司飭府提訊。詳辦於六月二十三日。印發在案。何以尙未據_{蘇州府}提訊。是否_{該司}衙門轉行遲延。抑係_{蘇州府}延不提審。合亟札查。札到該祠。立卽查明。前批於何日_{接到}。先行專

撫吳公牘

卷之四十二

五

文申復。一面飭催蘇州府。趕緊復提犯證屍親。虛衷研鞫。務得確情錄供。詳辦。均毋稍延。切切。

札臬司

加函

葉金生之父。既被桃源縣丁役逼勒斃命。今其子情逼來控。奈何累月經旬。不爲一訊哉。日來天氣酷熱。有鑠石流金之象。萬一葉金生又復痕斃。問心何以自安。務求卽傳發審委員。速爲提訊。此案葉金生並無罪名。可利提訊。後卽令取保可也。恐此外仍有似此積壓之件。並祈面囑委員。將發押首縣人數。五日開單一送。庶免遺忘。至禱至禱。

撫吳公牘卷之四十二

札發程張氏京控駁審

爲札飭事照得沐陽縣民婦程張氏遣抱京控仲緒珍等率匪焚殺盜賣膳田獲犯仲緒珍等訊係持械互鬪致死程見賢等非一家六命一案據前署司以此案程張氏圖詐誣告仲緒珍等放火燒搶詞內聲明親見仲緒璋等將胡蘭等下手致死仲緒璋審屬全誣將程張氏依律擬杖一百流三千里加徒役三年仍照婦女圖詐翻控例監禁三年限滿察看釋放程張氏固執京詞堅不輸服胡晉山係程見賢家管事之人與程禮賢同係屍親供詞可信請照例奏請

定奪詳解勘

撫吳公牘卷之四十一

卷之四十一

一

奏前來綜核全詳殊堪詫異如果程張氏呈控案外百餘人任意羅織希圖斷給財產原不能率准查辦且恐尚有主使之人前據謝耕視卽謝明控告周韶虞從中唆訟似非無因若再任其狡執以致要案久懸莫結不但前獲各犯業已監斃多名卽入證亦拖累靡已惟折獄不外衡情科罪必須核實此案先經前漕部堂咨准大部核案指駁經飭據淮安府審照原擬詳咨未准核復卽據程張氏以三百族匪焚搶二日謀殺一家六命經部駁迴護原審等情仍遣抱京控奉都察院以案關問官改供朦詳如果屬實大干法紀

奏奉

交審行司飭提人證訊詳在案。程張氏京控詞內。歷稱並非械鬪。部駁亦稱仲緒珍等。將程見賢前後門圍住。施放火槍。致燒燬房屋。慘殺多命。難保非有心放火逞忿仇殺。前漕部堂原咨。將糾眾械鬪三十人以上。致斃彼造四命以上。首犯擬以斬決。從犯擬軍待質等。因本部院細核案情。犯供同夥四十餘人。如謂與死者均有深仇積怨。自屬無此情理。惟兩造人數多寡懸殊。程見賢等被仲緒珍等傷斃六命。仲緒珍等並無一人受傷。其爲並非兩造約期械鬪。亦似無疑義。惟例內所載械鬪仇殺。本係接連併列。並非截然兩途。其隨從各犯。仍各依本律例問擬。如能遵照部文。究明各下手正凶。將應擬抵者。卽行擬抵。應

撫吳公牘

卷之聖

二

援免者。仍應援免。應緝拏者。仍行緝拏。照例擬辦。明白開導。該原告自亦無可藉口。今現犯仲緒璋。先被程見賢等在何處擄禁。於何日如何乘空脫逃。供詞模糊。斷難輕信。且胡蘭等實被何人致傷身死。據訊人多手雜。未經看清。旣未能究出正凶。逸犯在逃。亦未就獲。現犯恐有避就。尙須監禁待質。可見案情不甚確鑿。疑竇甚多。乃輒稱程張氏控告仲緒璋等。將胡蘭等致死。審屬全誣。突科以誣告人死罪未決之律。實屬牽強萬無此理。又例載犯未逃走。鞫獄官務得輸服供詞。毋得節引眾證明白。卽同獄成之律。遽請定案。其有實在刁健。堅不承招者。如該徒罪以上。仍具眾證情狀。

奏請

定奪今程張氏程步賢均已到案經本部院兩次提訊據供慘斃六命逸犯未獲現犯無一實抵心不甘願等語查仲緒璋謝明仲心耀仲緒祥所稱程張氏程步賢總想藉案圖詐不肯完案究係被告一面之詞程禮賢胡晉山等供亦與來詳大相刺謬何以謂之衆證明白此外供情支離串捏之處指不勝屈若照此

告並請

入
敕部將漕部堂前咨一併核覆必致大干部誥且何以折服原告之心該府暨委員審問要案並不詳細研求輒將被斃六命之原告屍母擬以流徒監禁率行詳

撫吳公牘

卷之四三

三

請

奏結故爲輕重殊不解其是何居心所有問官蘇州府知府及委員等應由該司查核例案確擬詳參仍勒限兩個月內提集原被犯證虛衷研鞫錄取切供通詳并查取原驗各屍傷由司復審另行妥擬詳解勘奏將來案情衡斷確鑿該原告仍復逞刁希圖拖累本部院再當執法從事斷不任其刁狡札到該司立即轉飭遵照仍一面飭將程步賢取具的保候訊特札計發解批一件

札臬司

海門廳詳韋厚之被竊勘訊由

匪徒肆竊多賊。失事已及三月。始據通詳。賊犯又無破獲。捕務泄玩。不問可知。仰按察司嚴飭比差會營。購線跣緝。並移鄰封營縣一體協拏。賊務獲究。報屆期無獲。卽行詳叅。至失賊實銀五十一兩一錢一分。何以僅估銀四十八兩三分四釐。此外各賊亦多任意短估。並飭核實確估。另行造冊詳送察核。詳尾聲明案因經承病故。詳報稍稽。更屬荒謬。並卽申飭。仍候督部堂批示。繳冊圖存。

機器製造局稟訂請美國金階理繙譯酌送薪

水由

稟悉。已據情轉咨矣。華牧蘅芳所譯各書。尤屬深入

撫吳公牘

卷之四

四

顯出。眞世間不可多得之才。亦不可任其埋沒。不彰。仰卽知照。仍候李督中堂並督部堂批示。繳摺存。

臬司稟山陽王五卽王佩瑤拏獲竊賊張應喜
推河淹斃一案

張應喜之偷摘茆義仁地內東瓜。雖非當時獲住。亦未送縣訊供。惟屍母張黃氏及夥竊之張必成。旣供無異詞。或尙可信。王五卽王佩瑤。經坊衆雇令看青。如係茆義仁等出資。公雇實有應捕之責。其將賊犯張應喜致斃。照擅殺罪人律擬絞。亦自係照例辦理。惟張應喜自刎受傷。後在運河溺斃。屍身漂失。無憑相驗。全在研訊明確。方能定讞。今察核供情。張應喜旣已自刎受傷。必須繩淋擡送。乃忽能從繩淋跳下。與王五爭毆拚命。已覺離奇。且王五旣被張應喜抓住。互相滾跌河灘。乃謂王五用力掙脫。卽將張應喜推跌落河淹斃。情形亦不無牽強。供詞種種扭捏。未便遷就具

撫吳公牘

卷之望

五

題

查縣詳該犯王五先將張應喜兩脚跪紮縛拷問。祝鶴瀾等勸令解放。因張應喜自刎嚇制該犯畏累。將張應喜擡擦運河。復訊則稱張應喜與伊拚命。順用木杆推入河內。現詳則稱互滾河灘。推跌落河淹斃。究竟張應喜如何自戕。圖賴被該犯捏稱送回醫治。實在如何致死。及有無致斃後棄屍水中。仰卽轉飭山陽縣遵照指飭。研訊確情。錄取切供。由司復加查核。另詳呈候核奪。繳詳冊小看發還。簽存銷。

臬司稟泰州牧被叅一案請開復原官仍議處

請示由

前據由司分案具詳聲明該叅牧應歸張御史奏案
叅處因核詳敘尙有疏漏當將各原詳一併札發查
核妥敘茲據前情能否照擬辦理仰卽由司確核全
案參以輿論人才難得該叅牧果有屈抑豈可不爲
據實詳請昭雪耶該司務當持平辦理勿稍徇枉繳
飭撥清河安東二縣挑河經費

爲札飭事據查辦田賦水利章道申稱清安二縣借
款興挑包家等河亟宜乘時興工請飭司迅卽動撥
庫款委解濟用並據另文申請將清邑丈田經費准
於借撥挑河經費申出土方盈餘項下撥錢三千貫
一例按年分畝攤還各等情又據稟同前由到本部
院據此合鈔申稟札飭札到該司立卽遵照將借撥
撫吳公牘
卷之望
六
經費刻日如數籌撥遴委幹員解交該道查收分濟
挑河丈田各項之用並卽責令委員會同各該地方
官督飭挑辦仍將動撥銀數委員銜名報查毋遲速

計鈔申稟三件

札江藩司

蘇糧道詳通核歷年漕項完欠分數請立案由
詳摺均悉。近年道庫四分漕項均已

奏明撥抵加給海運水脚之用。因各屬俱有積欠。於道
庫移挪籌墊。遂致庫儲支絀。不敷周轉。業經本部院
屢札嚴催。不啻昏焦管禿。現復奉部飭提減漕輕賚。
亟應籌動起解。必須將各屬積年欠款。勒限嚴提。清
楚俾資解放。非僅詳明立案。所能了事也。該道總理
糧儲。職守攸關。應卽責成。該道會同藩司。查明各屬
歷年欠款。除註緩之外。核計何州縣欠數最多。於初
十內擇尤詳請嚴索勒追。其餘欠數稍次之州縣。先
行立限催提解清。逾限不完。亦卽一體詳參。均勿姑
寬切切。此繳。

撫吳公牘

卷之四

七

批長洲縣詳元和犯證朱萬春等被火焚斃驗

訊由

據詳孫筠福飯歇共押人證二十六名。因鄰居張氏
失火。延燒飯歇。救出犯證十七名。內陸盛朱裕慶林
三名。身被火傷。尙不深重。查點尙少陳阿五保等九
名。檢獲燒殘屍身四具。內朱萬春一名。現據驗訊通
詳。其餘三具究係何人。尙有五名。是否脫逃。且鄰居
張氏失火。何以獨延燒孫筠福飯歇一處。左右鄰均
皆無恙。其中難保不無別情。案關燒斃無辜多命。當
時旣未稟明。迄今日久。尙未據元和縣詳報。尙復成
何世界。應如何嚴行懲儆。仰按察司卽速查議詳參。
一面嚴飭確查勒緝。在逃各犯。證務獲。並趕傳張氏

到案。提同孫筠福研訊確供。通詳察奪。並行該縣知照。仍候督部堂批示。繳格圖存。

通飭詞訟章程一案

爲通飭遵辦事。正月二十八日。據無錫縣稟稱。詞訟之不能迅結者。由於到案遲延。現從正月爲始。差票外加用限單。酌量道里遠近。人數多寡。親手標定日期。隨票並發。逾限不到。嚴行比催。其存根卽留置案頭。以便隨時查考。謹將差限單式附呈鑒核等情。到本部院。據此。查稟呈限單。向屬妥洽。訟案拖延。小民受累至深。全賴各牧令勤於審理。嚴禁書差弊捺。索擾。其要尤在刪減牽涉株連之人。除酌列章程黏單。通札飭照外。合行鈔黏札飭。札到該某卽便移會江

撫吳公牘

卷之四

八

蘇兩藩司一體轉屬遵照辦理。仍將遵辦緣由具復查考。毋違。

札臬司

江淮揚徐海通蘇松常鎮太府州

海門廳川沙廳

計鈔黏章程三條並差限單式

一詞訟牽連人證。往往任意羅織。全在收呈時詳鞫原告。卽酌定某人必應傳質。某人可以不傳。某人可俟覆訊時補傳。俟票差時再加一番斟酌。多費一分心。少傳一二人。造福於冥冥者不少。但酌刪人證。必須確有可刪之故。若掉以輕心。稍涉苟且。其初意未嘗不爲省拖累起見。而因少傳一人。多訊一堂。多拖一日。流弊滋大。總之票差傳人。以省株連爲第一義。

一差傳人證。須確按道里之遠近。案情之輕重。人證之多寡。酌給差役盤川錢文。如依限到案立時給賞。逾限不到。卽行責罰。不准以功抵過。賞不逾時。罰不姑貸。懲勸在在核實。利害判然兩途。庶該役謹慎奮勉。不敢怠肆。其要尤在編列簿冊。逐日親自稽查。

一票內所簽之差除正身外。不許私帶白役。若票止一差。而帶至兩三人。票止兩差。帶至四五人者。准被害人鳴鑼喊稟。至尋常詞訟。應傳人證。每案不過二三名。一票只須一差。差票依限繳銷。又各差承票傳喚人證。不許妄用鎖鍊。若票內註有用鎖字樣。方准用鎖。儻敢妄用鎖鍊。准被害人鳴鑼喊

撫吳公牘

卷之聖

九

稟。又該差喚到被告人證。立卽稟官。由官飭令房書開單送審。不准私行押候。雖係昏夜。亦應稟明。定奪。儻人已到。而延不稟審。准被害人鳴鑼喊稟。以上或係前人或規。或本部院先經通飭。均應認真照辦。仍先出具簡明告示。徧貼曉諭。務使鄉僻周知。

通飭札行司道府州轉飭文件一併造報

爲通飭事。照得各屬接到本部院衙公牘。已據遵照。通飭按月彙開事由。聲明已未辦復。造冊申送。在案。惟札行司道府州轉飭之件。各該州廳縣未據一律開造。仍不免稍有疎漏。合行通飭。札到該某卽便轉飭遵照。此七月分奉到公文冊內。應將本部院札行

司道府州轉飭之件。詳敘已辦未辦已復未復緣由。按月歸入詞訟冊內。一文彙詳。毋稍遺漏。仍將遵辦緣由具復。切切。

札

臬
蘇
江 兩 藩 司
蘇屬各府州廳縣

札飭各局卡委員有撤委更調者先行稟商

爲專札飭遵事。照得各局卡委員經理釐捐事繁責重。必須慎選精明廉潔之員。方足以資佐理。而昭核實。嗣後凡委員有應撤應委更調者。總宜先行稟商本部院察奪。聽候核飭遵辦。不得僅以一報了事。合亟札飭。札到該總局卽便遵照辦理。并移知蘇松太道暨蘇州牙釐局知照。毋違。

撫吳公牘

卷之三

十

札松滬捐釐總局

吳江縣稟收繳器械禁絕槍船章程由

前定收買廢鐵價值本屬太昂。現議各節。是否周妥。仰蘇藩司會同按察司督率首府縣悉心妥議。總期能永除江浙槍船之患爲要。仍候附片奏明。另札行知。繳摺存。

揚州府詳興化縣舉人王春旭等訊無率眾鬧

漕情事詳請開復由

該縣舉貢生監率眾鬧漕積習糊沿。殊可痛恨。據稱王春旭等查無確據。而供情可憫。是否實情。應俟今冬察看。如該縣不致仍有鬧漕。方見該舉人等真能痛改前非。爾時再行詳請開復。衣頂可也。仰江藩司

轉飭遵照仍錄報學部院並候批示繳

札催委員等覆試

爲專案札催事照得候補知縣曾令期滿甄別上年由院傳考未到又教習知縣茅令先據呈報俟差竣回省再行由司考試前經本部院於上年十一月初二日行司飭傳曾令來轅覆試並飭將茅令一員曾否回省查明具覆嗣該司護理撫篆時於本年五月十四日開單彙催札司遵照將曾令茅令等傳考之案先行查明呈覆迄今仍未覆到該二員均應考試甄別未便延宕合行查催札到該司即便遵照迅即查明專案具復並令曾令等趕緊赴司覆試甄別毋任再延切切

撫吳公牘

卷之三

札蘇藩司

十一

蕭縣稟辦過保甲情形由

保甲非止爲弭盜設也而戢匪安良尤爲目前急務乃各屬非視爲緩圖卽多畏難苟安其視爲緩圖者於地方似覺不關痛癢其視爲畏途者類皆絀於才力而要之均無一腔真切愛民之念故也該縣於到任後卽能參酌成規立法務歸簡當辦理已得窳窳細核條款其中尙有仍須斟酌商定之處如十家同牌只寫家長姓名年歲不將男婦大小瑣碎查開一條不開明男婦大小可也每家丁口若干仍應查開必先有一家丁口數目而後有十家丁口數目至牌冊發由寨董散給旗長莊長一條如何謂之旗長如

何謂之莊長。稟內未據聲明。寨董旗長莊長。除保甲牌冊外。概不得妄有干預。寨董尤須選得其人。方免流弊。又三年更換門牌。編查既定。便可一勞永逸。一節。前人查造門牌。有四易簿。始抽查無漏。然後發門牌。間有漏戶。亦具呈補給。何等詳慎。百姓各有生業。固要格外體卹。不可稍有煩擾。然官則必須細心耐煩。方免有所遺漏也。又每村共置鑼柳。小村力難置鑼。可置兩柳。互擊接應一節。此亦前人成規。一村僅置一鑼一柳。尚非難事。至每夜起更。羣擊鑼柳。二次二更至五更。皆照前羣擊。以壯聲勢。似不如添雇健丁。數人輪更看守。不動聲色。嚴密巡查。遇有響動。則以吹角鳴鑼爲號。俾各寨羣起截拿。更有實濟。蓋

撫吳公牘

卷之四十三

十三

在睡夢中。敲擊鑼柳。則擊者自擊。盜者自盜。殊屬兩不相謀。設遇有警。到處皆係人聲。柳聲鑼聲。更難覓盜蹤之所在。不如暗中核巡。以靜制動。更有裨益。總之事。無難易。視有無實心爲難易。該令務當勉益加勉。不得徒託空言。仰按察司轉行遵照。再定例編排保甲。稽查盜賊。如州縣官奉行不力。降二級調用。前經護院通飭所屬。勒限兩箇月編查完竣。現在限期早屆。如未能依限辦竣。應切實稟復。再給限兩箇月。儻始終怠玩。不辦不復。或辦理煩擾。或以空言搪塞。均不得爲無過也。該司並通飭各屬知之。仍候督部堂批示。繳清摺牌式存。

新陽縣稟辦理保甲情形並章程由

據稟已悉。辦理尙屬認真。仰按察司飭卽督率妥辦。務須勤於稽查。勿稍擾累。俟查辦完竣。造册呈送。至另設閭師黨正。由縣親訪敦請。並送戳記。與保甲無干者。毋庸使用。戳記一節。命意良是。爾體制未洽公文。照會刊用。戳記近於添設鄉官。軍興以來。紳士辦理保甲捐輸等事。當時從權刊用。戳記。後來流弊甚多。大抵事若可行。不必附會經典。如其窒礙。總師周官成法。亦不過等諸蘇威之五穀。王安石之青苗而已。仰該司並飭知照。仍補稟督部堂。並候批示。繳。章程存。

臬司詳新陽縣地保嵇大疎脫軍犯石小豬一

案復訊議擬由

撫吳公牘

卷之四十三

七

例載軍流罪犯在配脫逃。勒限百日緝獲到案。其看守之保甲革役免罪。逾限不獲。一名杖八十等語。此案軍犯石小豬於八年正月十一日在配脫逃。經該縣提保訊無賄縱。選差押保勒緝。於百日限內在寶應縣地方將犯協獲。應照例將嵇大革役免罪。茲據請照至守不覺失囚一名杖六十律。擬杖六十革役似屬錯誤。至前詳該逃軍於正月十八日被獲。現詳聲敘二月十八日緝獲。如何歧誤。仰卽一併查明更正。另詳請咨。仍候督部堂批示。繳。

蘇州府詳六月分詞訟管押公文各册由

王飛熊等控金照亭一案。如果余子虔等催提不齊。應就現到人證。確審完結。仰卽遵照同其餘未結各

案迅速一併提訊斷結。至公文冊內，飭催京控各案一件，既須核議另詳，何得謂之已辦已復。登註殊屬錯誤，并卽知照繳冊存。

金壇縣稟擬辦保甲章程由

查所擬章程，雖就該縣地方情形參酌成規辦理。惟查造烟戶冊藉辛工，及城鄉各董往返舟車等項經費，會董籌辦是否籌有定章，能否妥善無弊革除陋規，尤須嚴防苛派衙門中多一分慎重，閭閻中卽少一分騷擾。至圖董皆係舉貢生監，於各該圖利弊自較熟悉，第須嚴禁不得干預詞訟，以免流弊。所請飭教職於赴鄉宣講

聖諭廣訓時，順道稽查，亦聽由該縣斟酌。該縣仍不得稍

撫吳公牘

卷之四十三

四

存推諉。總之戶口能得的實數總數，不可徒成具文爲要。仰按察司轉飭遵照，仍候督部堂批示繳清摺牌式存。

臬司詳江甯張余氏僞造聯照描摸關防誑騙

得贓核擬由

張余氏以婦女假造關防聯照，誑騙得贓，謂無同謀知情之人，殊難遽信。王得龍、文朱氏等果否僅止代爲押錢得受中資，張余氏之夫張太益是否實赴通州生理，差稟李松壽業已病故，有無捏飾，應再切實查訊。至該氏所造聯照，既與借券筆迹如出一手，應令該氏當堂寫字，細加核對，是否與聯照借券筆迹相符。庶案情較爲核實，仰卽轉飭江甯府遵照辦理。

剋日詳復察奪仍候督部堂批示繳

江藩司詳故官王布政請祀名宦一案迄今尙未

奉批示由

前因王故官並無實在循聲派員密查政績現據委員覆稱詢訪百姓未聞感頌遺愛所有前詳請祀名宦祠該司再行確切查核如存實在政績另詳具題可也此繳

札飭楊秀龍等原差稟請押發申飭

爲札飭事七月十七日據丹陽縣申稱據原差陳元等稟稱民人楊秀龍疊赴臬府轅稟控袁留松等誘婦勒索一案節次往提避不見面細查始知仗上控之勢不肯到案枷犯楊道秀脫逃無蹤到處派費任

撫吳公牘

卷之三

五

意捏控善不來陽候訊委係圖准不圖審藉此施宕於中取利惟有懇求備文申請嗣後凡遇楊秀龍等攔輿上控卽賜押發等情由縣轉申到本部院據此查原差陳元等竟敢公然稟請押發上控之人可謂膽大極矣既云脫逃無蹤何以又云到處派費豈非自相矛盾該縣衡精度理楊秀龍如應押發原不妨據實上陳然斷無由差役稟請將上控民人押發之理天下豈有不恨上控百姓之差役耶該令辦理此事未免掉以輕心且請示之件總應具稟何得率用申文合行札飭札到該司卽便轉行申飭該令毋再徒爲傀儡任書差牽扯而不自知也

撫吳公牘卷之四十四

青浦縣陳令稟修築墟岸由

該縣地勢低窪。恆苦水潦。農民怠於築墟保護。以致易遭淹浸。現經該署令勸諭照業食佃力之例。合力築墟開溝。以資保障。而便宣洩。其荒田及無力工作者。由縣捐給工食。助其興築。並委員督催。趕辦以期一律告成。歲獲豐收。該署令盡心南畝。爲民興隄防之利。深堪嘉獎。仰蘇藩司轉飭督令員董。勸諭農業。乘時趕緊興築。毋任草率怠慢。並查明實在荒田。及無力貧農。給錢助令興築。仍將給過錢數報查。此繳委孫道勘挑鎮郡運河並飭備機器

爲札委事。照得鎮郡運河淤墊工段。前據鎮江府稟撫吳公牘

卷之四十四

一

請委勘開挑。卽經飭據蘇藩司札委候補直隸州陳牧前往會勘挑辦。嗣查該河爲商賈通行之路。礙難築垣車水。復經札飭機器局配撥火輪機器一具。運往挑挖。以資利便在案。茲據該府等查勘應挑工段。深長約數。稟復前來。除札飭機器局趕辦挑河機器。運往應用外。查候補孫道曾用機器挑挖黃渡一帶河道。妥速如式。堪以飭委赴鎮。督同勘辦。合行鈔稟札委。札到該道。卽遵照會商機器局酌帶熟悉情形之人。先行馳往。會督府縣暨委員等。勘估淤墊工段丈尺。如何次第興挑。實需機器人工等費。各若干。刻日繪造圖冊。稟報核奪。一俟機器到時。卽行開工挑挖。毋得刻延。速速。

蘇糧道會詳欠解七年分漕項最多之婁青二

縣先請摘頂由

各屬積欠漕項陳陳相因亟應從嚴整頓以挽頽風前據該道原詳摺開自同治二年至七年分止各屬均有積欠自應併年核計以欠數尤多之州縣詳揭請叅何以現詳又稱前呈完欠摺其中徵存實欠一時無從分晰獨將七年欠解之員酌量請叅而置其餘各年所欠於不問卽七年分尚有欠數較多之縣亦未一律開叅而所叅者又係卓有政聲向不應酬之陳金二令究竟其中如何歧誤抑係另有別情漕項關係

撫吳公牘

卷之四四

二

正供州縣果有徵存未解亟應和盤托出從嚴叅辦若曲爲彌縫以致日積日多轉成不了之局則愛之適所以害之矣仰卽確查各屬欠款內何年實有坐落災區緩徵若干其餘尙欠若干何年未經展緩通計歷年欠數員名開具詳細清摺刻日呈送一面分別勒限追解毋稍徇庇所有詳稱七年分漕項欠數尤多之婁縣青浦二縣現據婁縣稟稱除民欠外皆係趙故合任內徵存未解之款其中有無捏飾應由該司會同該道確切查明刻日詳復以憑核明

奏叅勒迫其青浦縣欠解七年分漕項現據該令稟稱除詳請展緩外其餘欠解銀四千九百餘兩遵限於二月二十六三月初三日兩堂批解清楚等情是否

依限解清。該司道亦卽確查詳復。以憑核辦。除據縣稟另行分別批飭遵辦外。一面通飭各屬。先將欠解七年分漕項。勒限兩月內掃數報解清楚。逾限不完。定卽叅追。切速切速。此繳。

札發築墟圖說

爲札發遵辦事。照得農田必資乎水利。而督率尤賴乎循良。三吳素稱澤國。低窪稻田。每虞水患。卽如去年夏秋霖潦漫浸。田疇其高田猶幸豐收。其低田全被淹損。豐收之田。小民得有蓋藏。

正供亦無虧欠。官斯土者。並免催科之苦。勘驗之煩。且多收一分錢漕。卽多贏一分公費。其淹損者。事事均與之反。是農田水利之關係。不獨

撫吳公牘

卷之四

三

國與民同其豐耗。抑且官與民共茲利害。思前愆後。亟宜及早綢繆。以期各收其益。前據青浦縣陳令呈送孫耕遠築墟圖說。本部院詳爲披閱。嘉其能先事備災。足以推行各屬。因飭書局重刻。以廣流布。合行札發。札到該府廳州縣。卽便併飭所屬。一體按照圖說事理。巡行阡陌。訪之墟董老農。各就地方情形。乘時認真修築。本部院來自田間。深知稼穡艱難。所望賢有司加意經營。祛水患。卽以收水利。他日公餘之暇。擊舟問俗。察墟岸之築否。卽以覘牧令之勤惰。並將循是以爲勸懲也。勉之懍之。所有築過墟岸處。所通稟察核毋遲。切切。

札蘇松常鎮太五府廳州縣

咨行飭拏通州東沙鎮盜匪曹二麻子等一案
爲咨會事。據蘇松太道稟稱。竊查海洋盜匪充斥。前
蒙派撥師船分飭會哨。行商本可漸安。無如洋面遼
闊。盜匪出沒靡常。往往此拏彼竄。東巡西劫。師船有
不能周顧者。以致搶劫之案。仍所不免。近則師船專
護漕運。防維稍疎。匪徒漸無顧忌。茲於二月二十八
日。據山東五幫商號陸吉等。聯名呈稱。向係由海販
運爲生。近日所雇之徐正源同福盛彭合順王德泰
王長順等各船。均遭劫掠。水手受傷。船貨無着。水手
有逃回者。咸稱盜巢在通州東北洋梢港。亦名東陵
港。爲南北往來必經之處。港內之東沙鎮曹二麻子
等爲首。嘯聚千餘人。出沒海面。凡被劫之船。水手有
被拘者。迫使仍駕原船隨行。致載貨商船遠望。良莠
莫辨。迨知爲盜船。已路隔無多。猝不及避。掠去貨物。
在鎮銷售。該處地方瀕海。若從水路緝拏。彼卽匿於
原野。從陸路追捕。彼又遁於島中。呈求申詳。嚴飭水
陸兵勇。會同拏辦等情。並據各該船舵工管儉盛等。
先後稟報到道。查核失事日期。係上臘及本年正二
月間被劫。除批飭照例前赴地方衙門報候勘緝。一
面飛移各鎮營。並飭通州合力會拏外。伏查該處濱
臨海口。且爲南北要道。該盜匪等膽敢潛匿窺伺。爲
害行旅。實屬目無法紀。若不痛加剿洗。絕其根株。不
足以安商賈。惟滬上現無輪船。且船身較大者。難涉

撫吳公牘

卷之四

四

港汊。據呈前情。理合稟祈鑒核。俯賜睿明。督憲就近飭派輪船。並嚴飭附近水陸各營。合力兜拏。悉獲解究。實爲公便等情。到本部院。據此。查水師緝拏海盜。是其專責。惟盜魁曹二麻子等。在通州東北洋梢港。出沒行劫。嘯聚多人。大爲商船之害。掠去貨物。在鎮銷售。該管文武。竟漫不經心。致盜匪明目張膽。迭劫肆擾。若不立予剿除。水陸會捕。誠恐此拏彼竄。釀成巨案。除咨督部堂督外。合亟札飭。札到該司。立即遵照查明。移行巡洋舟師。剋日駛往。剿捕務期。搃穴擒渠。仍隨時梭織巡哨。遇有失事。無論中外商艘。均須實力救護。該司並嚴飭通州文武。及沿海附近各縣營暨東沙鎮專汛員弁。一體合力兜捕。有犯必獲。勿任

撫吳公牘 卷之四十四 五

漏匿。且查該鎮各姓多聚族而居。匪徒搶劫之後。一聞兵到。卽竄匿無蹤。非該州會同鹽場汛地。諭商該鎮之武舉武生。貢監董事人等。設法購線。加以重賞重罰。斷不能破案也。並將窩頓銷贓各匪徒。確查拏辦。儻有弁兵捕役人等。通盜豢匪。及借起贓爲由。索擾良民。一經查實。立即分別嚴辦。並移蘇松太道查照此札。

札臬司

簽駁朱鳳翔京控案

簽按察司知悉。據該司詳解宿遷縣監生朱鳳翔等京控朱桂森等勒捐捐肥已賄串朦蔽勒結等情一案。審擬解候勘咨前來。本部院查據董朱桂森於奉示

禁止各項捐輸以後並不即將田捐舖捐停止仍照舊收捐。雖據稱公捐公用實屬藐玩。僅擬以不應重杖照例納贖。尙覺輕縱。該墟董既歷邀保獎。現應如何嚴行懲儆。並將已收捐款逐一核實清算。以杜浮冒。合行簽飭。簽到該司立即遵照。確核另行妥議。詳解勘辦。毋違。此簽仍繳。

計發司招附詳長詳解批原呈甘結呈批八件

簽臬司

徐州府詳徐海道病故出缺請委員接署由

高道從戎十有餘載。靡襍幹練一錢不名。自到徐海道任後。仍復兼辦營務。清理積案。裁減陋規。教養兼行。真能視

撫吳公牘

卷之四

六

國事如家事。遽聞病故。惋惜殊深。所遺員缺。應候會同督部堂酌核。遴員接署。仰江藩司轉飭知照。一面將高道病故日期。由司查敘履歷。刻日照例詳

題開缺。毋遲。仍候會商督部堂。將該故道照軍營立功後病故例。

奏請從優議恤。並候督部堂批示。繳

崑新清丈局董徐梅等稟已丈魚鱗未經編復
及請撥欠發錢文由

查該局員董辦理清丈更正踴躍兩年之久。用費至
萬餘之多。何以已丈魚鱗田數尙未復勘完竣。該委
員董事人等。究竟所司何事。現在業已撤局。始行稟
明。不知是何居心。惟未竣事宜。已據委員稟請由縣
辦理。應令該二縣督同原董趕緊復查明確造齊業
戶。更正田單魚鱗。戶細冊。分別給發。通送將來徵
收錢糧。如有舛錯。卽惟原經手之委董等是問。仰全
書總局轉飭遵辦。毋違。繳。

江陰縣稟上年啟徵熟田應徵上忙銀兩擬請
照額全徵其剔出淹田緩至下忙察看併徵

撫吳公牘

卷之四

七

請示由

查上年啟徵上忙錢糧時。據該縣以七年新墾田畝
稟請緩徵。當經批司議復。緩俟麥熟後酌量稟辦。所
有原熟及六年新墾。飭令造申啟徵。迨麥熟後。又經
飭府查覆。因麥收未能豐稔。民情拮据。方准緩至秋
後併徵。今該縣稟請將同治八年分別出被淹無收
田畝。應徵九年上忙銀兩。援案緩至秋後察看併辦
等情。既未據將上年勘查稟委。明晰聲敘。且現在二
麥業豆。連得雨澤滋培。正當青葱長發之際。從此雨
暘時若。春花可冀。一律豐稔。該縣聲稱收成不免減
色。何得如此欺飾。仰蘇藩司卽速飭府體察情形。據
實通稟。由司查議詳復酌辦。毋稍瞻徇。切切。繳。

山陽縣詳候補同知直隸州知州王牧病故日
期家屬扶柩回籍治喪由

據詳王牧在差病故由屬請咨回籍入城治喪核與
定例雖有未符惟蘇屬曾有前署元江青縣丞陳某
丁憂扶柩回籍當據蘇藩司詳請援照豫省前署考
城縣候補知縣吳令辦過成案給予護照回籍治喪
有案今王故牧曾任實缺姑准援案給照由屬扶柩
回籍治喪仰將發來護照一張轉給祇領仍候分咨
部籍查照並候漕部堂批示繳

計發護照一張

校核江屬下忙告示

爲札飭事照得各屬徵收錢糧前經飭令將田地山
蕩上中下科則每畝應完銀合錢數銀洋照市作價
無吳公牘 卷之四 八

逐一條列刊刷簡明告示大縣以貼滿一千張爲度
小縣以貼滿六百張爲度並於申票上加蓋每銀一
兩實收錢若干紅戳庶鄉民一目了然仍將告示加
戳申票式樣通送查核茲查淮揚等屬啟徵同治八
年分下忙錢糧各州廳縣應送示申各式本部院就
已經送到者逐一校核內豐縣贛榆二縣告示內漏
敘銀洋照市作價一節阜甯沛縣雖亦未敘然已於
申文內聲明向不行用銀洋應免置議此外均尙詳
晰無漏惟桃源安東鹽城高郵興化寶應銅山宿遷
睢甯通州如皋泰興海門十三州縣廳迄未將斗則
告示單串各式呈送殊屬玩違應卽分別記過示懲

又江都海州沐陽三州縣查無單串各式同送亦屬
玩泄海州雖據於文內聲明以銀完交請免於串內
加蓋錢數紅戳是以未送串式等情惟該州與沐陽
縣錢漕既收銀兩亦應將每錢糧銀一兩連公費實
徵銀若干漕米一石折徵銀若干於單串內加蓋紅
戳並將蓋戳單串式樣同以錢折繳照市價合算告
示併送查核未便藉請免送合行札飭札到該司卽
便通飭各屬一體遵照並令嚴行查禁櫃書差保人
等浮勒病民低作洋價等弊儻有違犯立提懲治其
此次告示內未能詳備之處卽令於下次明晰聲敘
勿再忽漏並由司將未送告示單串各式之桃源縣
安東縣鹽城縣高郵州興化縣寶應縣銅山縣宿遷

撫吳公牘

卷之四

九

縣睢甯縣通州如皋縣泰興縣海門廳同知各記大
過一次分別註冊飭遵其漏送單串各式之江都等
三州縣並卽分別申飭仍令將應送告示單串各式
補送查核毋遲併通飭各屬嗣後開徵時務將開徵
日期斗則告示加戳單串各式同貼示處所清摺一
併具文呈送毋再遲延遺漏切切

札江藩司

校核江屬冬漕告示

爲札飭事照得淮揚各屬徵收錢糧漕米前經飭令
照蘇屬辦法將上中下田地山蕩科則每畝應徵銀
米各數按照奉定價值合錢若干銀洋照市作價若
干逐一條列明白刊示曉諭使糧戶一目了然以杜

櫃書差保朦混多收在案。茲查同治八年徵收冬漕應送示串各式。本部院就已經送到者。逐加核內。鹽城縣僅送催徵告示未列斗則杜弊之語。亦大簡畧。蕭縣示中列每石隨漕腳費錢五十四文四字似係誤刊。宿遷贛榆二縣。僅有每畝應徵米數。並無合錢細數。其餘各屬均尙合式。惟清河桃源高郵甘泉儀徵寶應銅山睢甯通州泰興海門十一州縣廳。迄今未將斗則告示單串各式呈送。實屬違玩。應卽分別記過示懲。又阜甯鹽城泰州江都興化海州沭陽如皋八州縣。僅送示式。未將單串各式同送。亦屬疎漏。合行札飭。札到該司立卽通飭各屬一體遵照。並令嚴行查禁。櫃書差保人等。如有浮勒病民。低作銀

撫吳公牘

卷之四十四

十

洋二價等弊。立提懲治。其次示內未能詳備之處。卽令於下次刊辦時務遵定式。逐細聲敘。並將延不呈送告示單串各式之清河縣桃源縣高郵州甘泉縣儀徵縣寶應縣銅山縣睢甯縣通州泰興縣海門廳各記大過一次。分別註冊飭遵。漏送單串各式之阜甯等八州縣。亦卽由司分別申飭。仍令將應送示串各式。補送查核毋遲。並通飭各州廳縣。嗣後務於開徵時。卽將開徵日期斗則告示由單串票各式。並於單串內加蓋每石折徵錢若干。有無隨正應交之款紅戳。同貼示處所。清摺一並具文呈送。毋再延漏切切。

吳江縣稟勸諭築墟並示禁各種惡習由
該縣地逼太湖常苦水潦該令復任以來卽勸民乘
時築圩疏通溝洫洵爲盡心民事深堪嘉獎現在飭
書局刻印築圩圖說俟書成卽當發交該令曉諭農
民俾知築圩之益所禁四條亦能爲民除弊如農夫
去草芟夷蘊崇仍望督率勸懲勤求實事以副厚望
並錄批報明藩司查考繳示摺存

撫吳公牘

卷之四十四

土



江蘇兩屬未送忙漕斗則告示單串各式記過
申飭一案通飭

爲通飭事照得江蘇各屬徵收錢糧漕米前經飭令將田地山蕩上中下科則每畝應完銀米各數逐一條列出示曉諭並於由單串票內加蓋每銀一兩每米一石實收錢若干紅戳將告示單串各式通送查核以憑彙校詳畧在案茲查同治八年分徵收錢漕各屬除已據送到外核計下忙案內尙有桃源安東鹽城高郵興化寶應如山宿遷睢甯通州如皋泰興海門十三州縣廳迄未將斗則告示單串各式送到現經將各該州廳縣各記大過一次其江都海州沐陽元和吳縣太湖常熟新陽金山青浦丹徒鎮洋十

撫吳公牘

卷之四十四

七

二州廳縣僅送告示查無單串各式同送亦經分別行司申飭又冬漕案內尙有清河桃源高郵甘泉儀徵寶應銅山睢甯通州泰興海門十一州廳縣漏未呈送斗則告示單串各式現經將各該州廳縣各記大過一次其阜甯鹽城泰州江都興化海州沐陽如皋新陽九州縣僅送示式查無單串各式同送亦經分別行司申飭並校核已送斗則告示單串各式內詳畧舛漏行司轉飭遵照合再通飭札到該府州縣廳卽便轉飭遵照嗣後務須詳慎辦理並於開徵時卽將開徵日期斗則告示由單串票各式並在單串內加蓋每銀一兩每米一石實收錢若干有無隨正定之款紅戳同貼示處所清摺一並具文呈送毋

得延漏致干未便切切此札

札

江淮揚徐海通海
蘇州府常松鎮太

蘇州府詳安東縣民周惲愛之妻許氏實係被

賊拒傷身死並非周惲愛自殺捏報審正由

周許氏保事主周惲愛之妻被賊拒殺身死竟以事
主自殺其妻擬解若非本部院將該發審局所呈節
畧分別簽駁豈不又枉殺一命哉。審案如此憤憤實
堪詫異。縣差劉中陳倉等既逼令事主十三歲之女
妄供其父將許氏殺死周惲愛被其女一口質任亦
竟誣服。該差等並因索詐不遂將事主房屋等物折
賣贖玩已極。江北吏治暗無天日令人髮指。周惲愛
前經司訊既供有素識之汪六串差索費贖縣刑逼

撫吳公牘

卷之四

三

承認之語汪六果否卽地保汪同德府訊又供明陳
倉等將伊刑逼承認醉後殺妻劉中僅認畏官草比
起意嚇誘其女周小煥子捏供並稱陳倉等如何逼
打承認王中如何變賣屋料猪物伊不知情王中則
稱折賣屋料等物係爲抵給飯食錢文是則該差等
教供訛索業已自認不諱惟陳倉等至今延不解訊
案情尙有糶糊亟應澈底根究儘法懲辦不能稍涉
輕縱仰按察司立卽遵照速飭安東縣迅將此案玩
差陳倉等限二十日內按名提齊解究不准一名漏
網周惲愛等拖累已久究竟到案時如何被縣刑逼
承認及該差等如何逼打索詐是否已給差費若干
實在因何誣服應卽明白開導令其逐一據實供吐

詔明後卽行釋回毋庸畏凶隱忍仍一面嚴飭勒緝
在逃兇賊務獲究報繳

甘泉詳六月分詞訟監押公文月報冊結由

該縣訟案上月本積壓太多今六月分開除又未過
半訊結者尤屬寥寥辦理實屬延怠仰卽趕緊催提
審結否則日積月累更難清楚矣至開除項下息結
各案僅據聲明已經理明究竟如何理明並未於冊
內畧敘殊欠明晰且有並未取具兩造遵結僅據原
差一稟銷案難保不日後翻控仰江藩司轉飭遵照
此後息結之案應將如何理明緣由於詞訟冊內摘
敘簡明原委取具原被告結存案切切繳冊結存

溧陽縣申送六月分宣講清摺由

撫吳公牘

卷之四

四

該縣支領薪水之講生每月講期章句已於結內填
註其不領薪水者卽未講開繳無從查核且每一講
生一月祇講三期空曠過半該學督講之期亦太簡
少均屬違玩仰卽會學諭令講生嗣後每按五日宣
講一次一月之內各需舉行六次均就原定講期遞
輪增添不得曠誤所有講期章句支領薪水者卽於
結內填報不領薪水者開單專報併責令該學官等
勤密分投督率將何日至何處督講何段何章於摺
內逐一條列開報勿再偷安怠惰仍隨處采訪指查
各事考察義塾課程一併附列摺內送縣轉呈毋稍
率忽切切此批摺結存

山陽縣詳六月分公文詞訟監押冊結由

冊報詞訟開除雖多而新收不少。訟風仍未稍息。仰卽設法勸導。俾期無訟。自理開除項下。陳國文控吳斌勒索馬頭費錢一案。吳斌究係何人。未據聲明。且旣經訊明。索錢屬實。亦非一責所能了事。應再提案確訊。從嚴究辦。又訪查該縣有命婦鮑沈氏。服煙自盡一案。冊內何以並不列入。並卽查覆。後次如再匿漏。定卽查參。至內監項下。殺犯吳長汶。組瑞二名。緩決三次。已准部議減流。應卽造冊詳咨起解。毋稍遲延。仍候督部堂批示。繳冊結存。

各屬僅漏報一案。公何以卽知之。是真具摘奸發伏之神矣。葆楨受事將及兩年。並未摘發一案。公牘中曾言江北書差。往往爲州縣供奉長生祿位。

撫吳公牘

卷之四

五

然則此間州縣。又當爲葆楨供奉長生祿位矣。催安東徐克榮案訊詳。並將該縣訊過註冊。

爲再行札催事。上年六月初三日。據該縣詳民人徐克榮被賊拒殺。獲犯宋老漢。訊係姦姦起意。糾毆毆忿。致將徐克榮砍傷身死等情。當查此案傷多且重。謂非有心致死。殊難憑信。且是夜裴樊氏之夫裴小眼。是否在家。亦未據訊及。種種支離閃爍。顯有不實不盡。批司飭訊另詳。迭經勒限札催。嗣因逾限日久。未據詳報。又經勒限七月初十日以前通詳在案。現又逾限仍未據詳報。殊屬玩延。應將署安東縣知縣先記大過一次。以示薄懲。除行江藩司註冊飭遵。並札臬司該管道府嚴催。暨咨督部堂查照外。合再專

札嚴催。札到該縣。立即遵照。提集屍親犯證。逐層研訊。錄取切供。再限本年八月內。通詳察核。一面勒拏朱芳等。務獲併究。如再遲延。定行撤參。此札。

札安東縣

通州詳五月二十四日起。至六月底止。詞訟監押公文各冊由

查內監項下。絞犯徐儉和一名。業准部復減流。仰即趕緊造冊請咨起解。自理項下李珍稟金貴和等一案。差役簽至七名。未免太多。以後幸勿復爾。至監押人犯。如果一案而有數名者。自應註明以上幾名。開除人犯。應將如何省釋畧敘案由。來冊均未聲明。殊欠清楚。並即知照。仍將未結之案。趕緊提審斷結。毋

撫吳公牘

卷之四

六

延繳冊存。

加函

一案而簽差至七名之多。殊駭聽聞。須知正差一名。必帶幫夥數名。白役數名。若正差簽至七名。勢必五六十人。蜂湧而往。墮突叫囂。無所不至。小康之戶。必至家破人亡。而後已。諺云。堂上一點珠。民間一點血。以後執事判票時。務求試代百姓設想。接到此票。須如何受氣。如何花錢。如何將老弱送至鄰右逃避。如何將貲財轉託勢豪說情。瞋目代想片時。必有慨然不忍下筆者。一差尙且不忍簽。何況簽至七差乎。我輩俱係來自田間。須念兵燹之後。百姓皮骨僅存。不可暴摧折之也。

沐陽詳六月分詞訟監押公文各冊由

舊案太多。開除又少。似此日積月累。試問何時得以清理。仰卽振刷精神。上緊提審速結。如果兩造延不到案。核其案情細微者。卽行照例註銷。以清塵牘。繳冊存。

長洲縣詳六月分詞訟監押公文冊摺由

查自理項下。萬鏢一案。經該縣訊明。該原告倚恃衙門書辦。並仗陸姓聲勢。同至同源押店。贖取兩票。明係希圖便宜利錢。反被陸姓贖取一票等情。難保非萬鏢串通捏控。實屬可恨。且押店去年曾經禁止。何以此時尙敢開設。是萬姓亦宜懲究。而押店亦宜禁絕。仰卽遵照分別辦理查禁。至此案現在陸姓尙未

撫吳公牘

卷之四

七

到案追給。不可謂之已結。其顧朱氏一案。現經該縣諭令該原告及顧銀壽尋獲顧朱氏交案斷交。亦不得謂之已結。上控項下。沈增觀一案。僅據聲明詳復。是未奉到批示。均不應先列開除。並卽知照。仍將未結之案。趕緊提訊斷結。并候督部堂批示。繳冊摺存。泰興縣詳六月分詞訟監押公文各冊由

查自理開除項下。蔣東海嚴芝元楊必達三案。既經訊係誣告。自應照例嚴辦。今該縣僅止分別掌責申飭。未免太寬。仰卽遵照。此後控案。如果審係虛誣。卽當從嚴究辦。以爲好訟者戒。內監項下。陳九小方禾森二名。緩決三次。已准部覆減流。並卽驗明年貌。造冊作速請咨起解。至六月分開除甚少。未結太多。且

有二年分積案。迄今尚未辦結。實屬遲滯。並卽上緊催提訊結。毋延繳册結存。

札飭准咨通行通緝之件不必造報通飭一案由

爲札飭事。七月二十四日。據常州府稟稱。接奉院札。此後七月分奉到公文册內。應將札行司道轉飭之件。按月歸入詞訟册內。一文彙詳等因。到府。遵查各屬命盜錢漕詞訟。以及一切照例案件。應否一律開列。再奉准大部或准各省督撫將軍咨文內。如通行通緝官員請咨取結。送到省丁憂起復各件。向例亦由司道轉行。是否免予造報稟請核示等情。據此。查司道轉行本部院公文。凡係特札通飭。有關吏治。撫吳公牘卷之四
六

札兩藩司

崇明縣稟各義塾辦理情形由

義塾卽古閭師黨庠之意。全在實心經理。俾之薰德善長。原非僅多設處所。存其名而已也。至經費一節。亦宜各就地方情形。參酌籌商。來稟所稱併而集資。運取其息等語。殊屬費解。仰太倉州飭卽核實妥辦。相與有成。仍將已設各塾認真查察。勿稍弛懈。切切。繳摺存。

撫吳公牘卷之四十五

飭查各屬積穀數目詳報

爲札查事。照得本部院於前年屢次通飭各屬勸諭籌備積穀建倉存儲。已據各州廳縣陸續議稟章程。或隨漕帶捐。或分忙攤徵。各按地方情形。隨宜舉辦。惟七八兩年內。共計收有若干。如何承買穀石。建倉儲積。未據按年截清收支各數造冊報查。已於上年九月內。據臬司報明頒發冊式。飭令造報。並委員分赴各屬。逐一確查開摺通稟在案。迄今半年有餘。甫據青浦縣查明七年分止收支存積各數。遵式造冊詳報。並先據宜興荆溪二縣將各圖捐存穀數開摺呈送。其餘各屬均未據遵造細冊詳送到院。其委員

撫吳公牘

卷之四十五

前往查報之數亦未開摺通稟。無憑查核。合行札查。札到該州府。卽便遵照查明。臬省各屬已辦帶捐積穀者幾處。或錢或穀。於何時捐收。共有若干。何時建倉買穀。現在實存錢穀若干。彙核通計。共已積存錢穀各若干。於四月二十以前。逐細開摺詳候。

奏明立案。并核明勸捐積穀爲數尤多之州縣附摺。

奏請獎勵一面通飭已辦各屬。將連年收支存積各數。遵照司頒冊式造冊詳院查核。並飭未辦各屬督董議章通稟。趕緊開辦毋遲。

札蘇
蘇松常鎮太五府州

鎮江府稟徒陽運河挑工約需經費不敷請撥
款由

徒陽挑河工費以府庫洲租存款儘數抵用不敷尙
鉅應如何籌撥濟支仰善後總局悉心籌畫核議詳
覆察辦至孫道因須回籍終制已札委陳牧會辦在
案並卽催令陳牧卽速稟商機器總局選派熟悉情
形之人督同勘估核計以機器撈挖應需煤火人工
若干另用運土剝船挑土人夫各若干統計共需經
費若干較之現據所估節省幾何刻日通稟核奪一
面運送機器到工卽行趕緊挑挖爲時已迫毋再遲
誤切切仍候督部堂批示繳冊存

清河縣詳孫繼沅等認劫孔憲儒布店訊供由

撫吳公牘

卷之四十五

二

此案前據獲犯李長樺孫繼沅二名據稱該犯等供
認參差並未錄敘供詞今核來詳續獲戈癩仔卽葛
癩仔一名據訊係楊洪汝馬二兩人起意爲首供詞
已不確鑿李長樺則稱向馬二索還舊欠馬二令其
跟往趙家集拏錢因而聽從楊洪汝馬二糾劫得贓
所劫贓物據供係藍白布一二百疋錢幾十千等語
該犯分布六疋錢二千其起獲之銀簪一枝亦係該
犯分得贓物銀戒指一個又稱係馬二楊洪汝二人
交存所供贓數及分贓情形頗屬含糊孫繼沅所供
另有聽從監斃之李長有夥劫郭懷義家衣物一案
前據縣詳獲犯李長有周濤兩名詳內亦稱該犯等
供認情形未能畫一李長有業已在監病故該縣審

辦盜案。如此草率含混。殊滋疑竇。仰按察司嚴飭將
事主孔憲儒郭懷義被劫各案犯迅卽分別訊錄切
供通詳。一面勒限緝拏逸盜。務獲究報。毋得仍以浮
光掠影之詞。希圖搪塞。儻再玩忽。卽由司嚴揭請參。
仍候督部堂批示繳。

撫吳公牘

卷之四十五

三

水府... 由... 府... 事... 案...

江海關道稟復進口半稅存票統抵正半稅現蒙指駁並狄司稅欲改舊章各情形由

該道此舉原屬過於遷就其洋商請領內地稅單及長江三關還存票之執照如由新關填給流弊必多經該道力爲辦駁自屬正辦繳

余御史奏禁蘇省蠹役

爲欽奉事同治九年三月二十五日准戶部咨御史余培軒奏請禁除蘇省蠹役私墊錢糧並官役數目請定限制各摺并奉

上諭

一道恭錄咨行欽遵辦理計單等因到本部院准此查江蘇各屬從前有書差代納錢糧勒索串票荒費以及詞訟內鋪堂等項陋規本部院蒞任以來不啻

撫吳公牘

卷之四十五

四

三令五申嚴加整頓通飭各屬永遠革除每屆啓徵錢糧時並令先期出示曉諭以清弊源各在案茲准前因除札江藩司外合就鈔黏札飭札到該司即便遵照遴委幹員前赴海州等屬嚴密查訪贛榆沐陽等縣糧差有無代墊錢糧勒捐串票等弊該處衙役是否實有若是之多以及私立督總等名目驕縱不法陵辱廩生鄭樹林等及搶傷李錫麟之事如有前項情弊即行詳請從嚴懲辦以除積蠹並移飭各該管道府州一體明查暗訪儻敢陽奉陰違或有前項不法情事亦即稟請嚴加懲治仍令各屬出示禁革不准私立名目多設差役每於上下忙徵收錢糧時由各該州廳縣密查書差如無勒捐浮收等弊出具

印甘各結並開差役花名清摺通送查核仍報明督部堂查考移會臬司知照並將查辦情形隨時報查此札

計鈔黏

札江藩司

常熟縣詳訪獲民人陳盛金等疑賊細縛曹阿四等致斃棄屍不失一案驗訊由

據詳震澤事主歸甫倫行船被搶一案捕役張源疑係陳盛金盜首同遣副役曹阿四等緝拏既已事隔三年差票遺失何以至今始行拏犯又據陳盛金供稱並無行搶歸甫倫之案因曹阿四等手拏洋鎗鄉人疑賊驚喊該犯出看被鎗傷額角喝同翁春濬等撫吳公牘

卷之四十五

五

捉獲細縛致斃將曹阿四等一併拋入湖內淹死所稱該犯等旋在舟中將中艙四人用滾水灌入口內欲止其罵不期致斃陳增郎則供並未同行等因案關致斃六命事情重大未便以離奇恍惚之供遽定爰書是否各匪逞兇拒捕其中有無別頭轆轤抑係差役索詐起釁仰技察司飭府速卽提集犯證屍屬人等研訊確供通詳勒限十五日內按擬招解毋得顯頂枉縱切切仍候督部堂批示繳格圖存

江都縣稟擬呈詞訟章程並差限簿式請示由據稟已悉江北民情固屬好訟而刀生劣衿爲尤多訟師以刀筆爲生涯書差以辦案爲利藪誠不可不加意察究。儘法懲治。該縣詞訟不少。現值蒞任伊始。果能判決勤明。速審速結。則願訴者多。求伸者衆。不可遽厭冗瑣。掉以輕心。全賴耐煩清理。虛衷研鞫。平情衡斷。懲勸兼施。所謂治亂民如治亂繩。不可急也。至派訪案情極須斟酌。公正紳耆。非公不至。道路傳聞。每多附會。間有訪詢得實。原足藉資考證。若所派非人。不但捕風捉影。徒亂人意。轉恐變亂黑白。流弊滋多。決獄惟賴明字。方能持久。公生明。靜生明。從容亦生明。平時周知民隱。臨事方有確見。以虛公之心。

撫吳公牘

卷之五

六

坐照誠求。則庶幾乎近之矣。又查拏棍徒鎖繫榜示一節。棍徒情罪重輕亦不一致。如果游手好閒。偶然訛詐。原聽酌量辦理。若屢次擾害。卽不能不按例擬辦。投之遠方。棍徒無術。蠹串庇爲害尚不酷烈。頗聞該縣蠹役不少。控案纍纍。務須力加整頓。隨時確察嚴懲。勿稍寬假。爲要。簽差簿式妥洽。須逐日查閱。不可以他事閣過。尤不可假手於人。仰卽遵照。繳簿式存。

江都稟周汝誠私開小押請革衣頂並周汝誠
在寓自服洋煙身死由

據稟高郵州武生周汝誠私開小押盤剝病民請暫
革衣頂何以先僅稟府轉請褫革迨奉府批始行通
稟殊不可解察核州詳周汝誠之長子周以恭於初
八日晚送麵點到歇次日天尙未明周汝誠胃症舉
發卽自吞煙殞命既有該武生次子周以寬同房住
宿究竟周汝誠如何吞煙如何毒發致斃是否周以
寬毫無聞見何以未據詳細聲明該州又率准攔驗
其所服洋煙果否周汝誠自行帶在身邊該歇果否
並無陵虐索詐有無串飾消弭情弊仰按察司卽飭
揚州府剋日確查據實詳覆察奪勿稍徇隱含混切

撫臬公牘

卷之四十五

七

切仍候

督部院批示繳

札臬司通飭各府州廳縣清理監獄體恤罪囚

由

爲札飭事照得各屬監獄羈禁罪囚固屬咎由自取
然明刑所以弼教非有意患苦之也旣已明定罪名
示蚩氓以懲誡仍應時加體恤存司牧之哀矜況夏
令炎蒸江南卑溼固圉地隘徽纒人多疫癘易侵尤
須及時清理合行札飭札到該司卽便通行各府州
廳縣遵照督飭管獄官隨時親詣監所查驗責令提
牢禁卒人等將監房勤加灑掃刑具勤加洗滌時焚
辟淫辟瘟藥物其獄囚衣糧勿任刑禁剋扣亦不准
積年監犯違例自充牢頭陵虐滋弊如遇伏暑酌給

皇仁。

席弱涼漿俾在禁諸囚不致紛紛疲斃以廣


一面查明未結各案趕緊訊斷完結毋得閣延致滋
羈累惻隱所施無分善惡仁愛之至可召祥和願諸
君子於監獄羈押各處時時親自訪查詢問則胥役
人等必不敢橫肆陵虐誅求況羈押中尚有許多無
罪牽連者乎念之惻然此札

札臬司

撫吳公牘

卷之四十五

八



吳縣詳覆詞訟差票外加限單一案現辦情形
由

前據無錫縣稟呈差限單式查核尙屬妥洽經本部院酌列章程鈔黏通飭已據各外縣陸續報明遵辦茲查長吳二縣具詳均稱無須加用限單元和縣雖稱仿照辦理究竟如何仿辦亦未據核實稟明而於黏章內酌給差役盤川錢文不許妄用鎖鍊各層各該縣竟概置不論試思不給盤川能保差役之不藉端需索乎不應用鎖而用鎖能保差役之不虛聲恫喝乎該首縣爲外縣所儀型乃外縣俱能照章辦理而該縣竟爾託詞推宕於民生疾苦漠然無所動於中誠不知是何居心仰按察司嚴飭長元吳三縣立即遵照前飭辦理仍出具簡明告示徧貼曉諭務使鄉僻周知如再玩違卽行彙辦繳

吳江縣詳委驗吳縣監犯陳幫輪病故一案驗

訊由

前據該司審解盜犯蔣柏薜等到院當經前護院提訊犯供翻異復提影犯張阿桔等研審供亦游移發回復訊迄今兩月未據審解據詳前情仰按察司卽飭蘇州府速提現犯督同局員研訊確供由司復審按擬招解一面將陳幫輪病故緣由核入正案擬議詳辦並行長吳二縣暨該縣知照至各首縣遇有寄禁之犯一月內在監病故二名者將印捕各官記過前經批飭遵照在案未定罪名禁押入犯病故分別

記過原因罪名尙未審定人犯先已瘵斃予以薄懲庶期速審速結而於患病人犯或能如意矜卹如堪以取保者亦必爲之取保醫調不致濫禁濫押視人命如草菅此定章之初意也寄禁寄押與本監本押不同是以量爲區別至罪名之未定已定只能以曾否解審爲斷如尙未解審而詳內聲敘係某案內應擬某罪之犯不足憑也既已招解期固已擬定罪名矣其人犯翻供發回復審仍當作爲已定罪名論各屬儻有捏飾上司扶同徇隱自應分別懲儆吳縣前有元和縣分禁人犯陳全郎一名於六月二十一日在監病故係未定罪名人犯應行存記俟扣滿一月有無續故照章辦理今陳幫輪一犯業經解勘因供詞滋移發回復審寄禁病故應免併計並卽知照仍移行兩藩司道府直隸州一體查照將奉文日期報查并候督部堂批示繳卷存

元和令記過一案由

爲咨明事七月二十四日據元和縣詳送六月分詞訟監押公文各冊到本部院據此查上月詞訟各冊定章於下月初十前到院該縣六月分各冊直至七月二十四日始行送到實屬玩延應將該縣記大過一次以示薄懲除批行蘇藩司註冊移會江藩司一體通飭遵照外相應咨明爲此合咨貴部堂請煩查照施行

撫憲公牘

卷之五

十

銅山令記過一案由

爲札飭事。案據銅山縣詳送五月分詞訟監押公文各册到院。當因自理實在項下。漏開吳夢祥與郭朝聘互控一案。卽經批飭知照在案。茲於七月二十三日。據該縣申稱。遵查五月分詞訟報册原稿。委於實在項下。漏入此案。又查六月分各册。係查照五月分實報在開報。以致六月分亦復漏開。除於七月分月報册內補入外。應請將卑職記過一次等情。到本部院。據此。查此案五月分册內。既已遺漏。而六月分又復漏開。可見該令於民間詞訟。不肯隨時留心。實屬疎忽。姑從寬將該縣記過一次。以示薄懲。除咨明督部堂查照外。合行札飭。札到該司。卽便註册移會蘇藩撫吳公牘。卷五十五

十一

司一體通飭。遵照至該縣。於自請記過之件。率用申文。亦屬不合。並卽申飭毋違。

札江藩司

贛榆詳六月分公文詞訟監押册結由

查上年蘇藩司具詳佐雜各員。特有控訴到案。呈送印官查辦。免議之條。陽奉陰違。不可不防其漸。擬請嗣後佐雜衙門。遇有民人控訴。應令徑自赴縣呈遞。不得代爲詳送。儻敢擅行收受。卽照擅受例辦理。印官據詳審理。卽照徇庇例詳請懲處。立法已屬詳盡。經批如詳。飭遵在案。今該縣詞訟册內。有理開除項下劉董氏控韓各川一案。註明先據青口巡司申據。詳各川稟控劉姓等情。是該巡司擅行收受。該令不

行揭報均屬咎有應得姑念該令平日辦事尚屬認真從寬記大過一次已咨明督部堂查照矣其青口巡司冊內並未聲明名姓仰江藩司確切查明詳請懲處仍飭該縣迅將未結各案趕緊提訊斷結並由司將該令記過緣由移會蘇藩司一體通飭各屬遵照繳冊結存

崑新清丈局稟覆奉提節省經費委屬無從籌
解由

此案前據該印委等具稟當查清丈經費自應先儘本款支用卽經批局轉飭遵照務以清丈公事爲重卽速督董趕緊查辦竣事逐一造冊通送察核毋得懸宕糜費此後所收丈費核明餘存若干悉數解司
撫吳公牘 卷之五 十一
抵充全書經費等因在案何以此批該縣委向未接到據稟前情合將原批鈔發仰卽遵照辦理仍錄報全書總局繳

臬司詳籌議清理京控案件章程摺由

此案業經札司議詳茲核章程尙屬明晰詞訟等案無關命盜及各項重情並未在本省上司衙門呈控者分別發交該管道府州親提審辦應勒限兩箇月訊取切實供結議擬通詳由該司確核詳咨如有情罪未洽分別提省審正其控情細微不候州縣審斷輒赴京申訴者或委員會同州縣審辦亦勒限兩箇月訊取切實供結議擬通詳仍由司確核詳咨不得以州縣已經審理之案仍委該州縣會審以示區別

而符例義其道。府州如有承審逾限。及能如限速結者。卽由該司議一勸懲定章。以免日久廢弛。至局員審理京控各案。旣於人證到案之日起給限兩箇月。如有案須關查。或贓須提起查認者。應卽於兩月內關查提辦。依限完結。不得率請展限。至委員提解迅速。旣准優給獎敘。分別記功酌委。不作尋常勞績論。其委員提解遲延。亦應嚴行懲儆。現尙未據議及。審斷妥速。准予隨時稟請給獎。其逾限一月者。據請記過一次。二月者。記大過一次。三月以上。撤差停委。懲處尙嫌太寬。此次清理京控。須

奏明變通辦理。務將現在新舊咨交未結十七案。統於

四箇月內。掃數完結。方爲妥善。若非正犯潛逃。要證

撫吳公牘

卷之四十五

三

外出。仍復輾轉遲逾。漫無限制。不惟人證仍多拖累。亦屬碍難入

告。至人證何時奉提。何時解到。何員承審。均屬有關考核。並應隨時報明。再同治四年奏交一案。屢經本部院嚴催解勘。至今查無聲息。究竟人證於何時提到。自應由司查明。遲延各員職名。於十日內。專案詳參。以期發聾振聵。至外省民人赴京呈訴。未經在本省控理。解回審辦。係屬照例辦理。所請

奏明

飭令都察院。步軍統領衙門。遇有控情無關重要。概不准行之處。應毋庸議。仰卽查照前令。札批事理。遵辦。濡筆以待。毋稍刻延。繳摺存。

淮安府詳臬甯縣事主崇如堂被劫案內李大
等訊非正盜可否分別歸案另行確訊責釋
由

查江令原詳據稱先後拏獲李廣發夏仁選顏三周
以來四名已稟請漕部堂委員審辦嗣因夏仁選病
重提驗週身瘡痛不能行走不能解審因與原稟不
符附文聲明情節本有可疑迨張令抵任既訊明夏
仁選實係無辜之人因江令究出事主黃茂有案內
亦有李大夥同行劫該令提訊李大供無其事因與
陳三均被陳正齊挾仇誣攀陳正齊先經正法無可
質證雖此案原辦模糊罪在江令而張令明知夏仁
選係屬無辜並不早為詳釋必俟其瘼斃而後已是

撫吳公牘

卷四十五

古

誠何心夏仁選瘼斃後該令曾否親詣驗明何以率
用申文通報且既奉文提解又必俟節次嚴催遲至
半年之久始將李大等解審總緣意存迴護視囹圄
之疾苦漠然無所動於中一聽其生死存亡而不顧
該守令等清夜捫心安乎否耶該府既訊明李大並
無夥劫崇如堂黃茂有等家據供陳正齊與伊及陳
三素有嫌隙誣攀為匪何不即提陳三質訊黃茂有
案內現犯僅止陳三一名並非必須紛紛傳提人證
者可比顏三周以來二犯供認行竊各案亦不難提
卷核審查李大陳三係於六年十一月開緝獲府訊
李大似係無辜濫禁已及二年顏三周以來係七年
正月被獲亦已羈禁一年有餘乃該府於奉文親提

之案。半年後始行提到訊供。輒請發回。殊涉泄視。仰
按察司速飭遵照。卽提陳三並飭查顏三供竊二案。
周以來供認在鹽城行竊一案。有無事主呈報。核明
縣卷。迅將李大顏三周以來陳三四名研訊明確。限
九月初十以前。分別究釋擬辦。至夏仁選李大等實
在當時如何被筮役妄拏。夏仁選是否被刑禁人等
剋扣陵虐。垂斃取保。抑有別故。弁提該筮等。切實嚴
究具報。均毋稍再徇延。切切。仍候^督部堂批示。繳。

海門廳稟嗣後上控人證請押發收審由

原告應否押發。須隨案核其情節輕重。再行酌定。未
便執一而論。卽筮稟所云原告避匿不到。安知非書
筮忿恨。原告上控阻遏之。不使向前乎。該丞但時時
撫吳公牘

卷之四十五

五

求通民情。不以書筮之耳目爲耳目。則於牧養之道
思過半矣。

江藩司詳覆江都仙女廟杜康二仙顯聖請加

封號由

查各直省廟祀正神。實能禦災捍患。有功德於民者。
方准請

加封號。今該處所祀仙女。既不在祀典之列。建廟事蹟。又
無確鑿考證。應如部文所敘湖南廣東二省仙姑神
女之案。祇令民間自行報賽。毋庸請

封且

神仙蹤跡渺茫無憑。本部院現在正飭地方官將無
錫惠泉山尼庵及江陰等處寺觀。改爲義學。俟嚴禁
百姓朝山進香。致滋弊竇。今若爲仙女道院請

加封號是愈足以長吳人信鬼之習。未免有損無益。所請
咨部核辦之處。應毋庸議。仰卽轉飭知照。併錄報督
部堂查考。仍候咨覆禮部查照。將前案註銷可也。此
繳。

江陰縣稟被毀木石橋梁由縣撥款捐廉建修

由

該縣應行修建木石各橋。因需費較鉅。未可派捐於
民。請將該縣節省存庫之清糧單費抵支。尙屬因公
濟公。惟該縣節省單費。計有若干。以之儘數抵用。尙
有不敷若干。應行捐廉湊足。未據確切聲明。無憑稽
核。仰蘇藩司轉飭該縣卽速查案明白。稟覆核奪。毋
稍延混。切切。此繳。摺存。

撫吳公牘

卷五十五

六

高郵州稟遵飭示諭仿辦義圖妥議辦理情形

由

催收錢糧。派充現年以及捐墾名目。最爲小民苦累
之事。該州各村莊輪派現年。雖有似乎武陽之莊首。
其實究不相同。仰江藩司卽飭遵照。能否參仿武陽
成法。妥議義圖辦糧章程。稟明舉行。要之信而後勞
其民。該州自揣若胸無成竹。民信未孚。雖有良法。奚
意斷不可。孟浪遽改前章。以致毫無把握也。仍候督
部堂批示。繳。

蘇州府詳新陽王飛熊等控案請銷

縣書金照亭於糧戶繳過銀錢米價並不隨時核繼
帶稟情弊顯然。姑從寬發縣枷號兩月。再行保釋。王

飛熊胡清爲亦准暫行保釋。惟王飛熊不准開復。其餘人證均未到齊。統候該府提集後再行審擬。詳奪仰蘇藩司轉飭知照。繳。

札飭婁縣歸併田糧的戶

爲飭行事。照得婁縣前辦清糧一案。未能澈底清釐。以致糧賦混淆。往往催徵無着。甚有一戶之田。分立數十戶名目。詭寄飛灑。專爲隱漏錢漕。張本積弊。相沿牢不可破。現據該縣議章更正。欲清田額。尤必先清糧戶。務使戶戶皆歸的實。甲姓之田。不得託名乙姓。尤不得多立戶名。然後影射欺隱諸弊。可以從此革除。合行札飭。札到該縣。立卽轉飭遵照。會委督董務將各業田畝。統歸的戶承種。不准再有花分詭寄。

撫吳公牘

卷之五

七

情弊。儻有頑戶抗不歸併。卽由該縣照例懲辦。毋得瞻徇。併于咎戾。如業田分散在各保各圖。應令查照版圖章程。分保分圖。列冊造串。其承種的戶。仍須一律不得紛歧。此次清糧之後。推收過戶。皆令以單契的戶呈驗過割。不准憑戶書經承人等。再爲分立詭戶。從中舞弊。並卽慎遵毋違。切切特札。

札 蘇藩司
婁縣

興化縣稟送義倉積穀章程並呈示式由

該縣籌辦積穀。據請於每年秋穀登場。按畝捐穀三。勸存儲備賑。尙屬輕便易舉。應准照辦。所議章程。亦甚周妥。俱可照行。惟該縣各圖田額若干。本年約可捐穀若干。未據聲敘。無憑稽核。仰江藩司轉飭遵照。

先行查明稟復一面諭督城鄉各董按戶按畝秉公
秤收一俟收齊由縣親詣各圖存穀公所盤查封儲
毋得委派佐雜假手吏胥致滋流弊仍按年截清捐
收穀數造冊報查並刊徵信錄分頒呈送俾使比戶
共知毫無欺隱至下年應捐與否應俟屆時察看收
成豐歉稟明辦理如有殷戶倡捐穀石卽詳請酌量
給獎以昭激勸仍候督部堂批示繳章程示式存

嚴禁泰州賭博

爲札飭嚴禁事照得聚眾賭博有干例禁訪聞泰州
賭風較他處尤甚游手好閒之徒見年少子弟動輒
勾賭名曰空心把市搖攤則做成鉛骰或手帶銅鈴
或扣老虎或一線天擲骰則箝虎頭或鑽鉛大小面

撫吳公牘

卷之五

六

打牌則插洗穿張或三人擡一人名目奇異隨時變
幻總期有贏無輸一墮術中害無底止該州城外向
有趙應祥周廷培卽周六虎張三花子顏光壁徐小
峰等皆著名賭棍實堪痛恨本應飭提究辦姑念既
往不咎亟應嚴行禁止以挽澆風合行札飭札到該
州卽遵照嚴行示禁此後該賭棍等如再不知悛
改卽行嚴拏從重究辦切切此札

札泰州

泰州詳奉飭舉辦社倉遵議章程請示由

古人社倉之設與常平相輔而行要皆簡拔出納於
社司而吏不與其事原以百姓私家之物儲之以備
公用似公而實私也惟立法用人則又須官爲經營

以補民力之所未逮。該牧詳送章程內首列勸捐一條。固知地方士民必有急公好義之人。然貧富高下不齊。卽難免却勒苛派之弊。此外減價平糶。分別賑恤。同條共貫。無非欲實惠及民。第經理不得其人。法固易弛。事亦難久。江南蘇松各屬。前經本部院飭據各府州縣妥議章程。由司詳報到院。節經逐加酌核。無論積米積穀。或折錢採買。悉令按照田畝多寡。分別忙漕。隨正帶徵。隨漕則每畝捐米一升。於完米時附繳。隨忙則每畝捐錢二十。於上下忙分收。其中因地制宜。固不能較若畫一。而大致總不外此。且以青浦縣所議章程八條。最爲簡明易行。業經通飭遵辦在案。茲特另單鈔發。仰卽慎選司董。實力仿辦。或所

撫吳公牘

卷之四十五

九

議與該州情形。猶有未盡允洽。亦可斟酌變通。總之。行法惟恃乎人。實事務求其是。出納則責諸董。稽察全在於官。仍將如何仿辦緣由具復核奪。分候督部堂批示。繳摺存。

邳州稟已未詳各積案酌議限期開摺稟復。由准於本年十一月內一律辦竣。如延撤參。仰按察司核飭遵照。仍飭將未詳各案迅速查明。先行仿案通詳察核。均毋玩延。干咎。繳摺存。



